

T 2512/1142

29

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	40/9/-43	42/57/29	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60											

Harvard College Library/Imaging Services <http://imaging.harvard.edu>

史記卷之四十一

明紀 太祖高皇帝 元 年 歲 次 庚 申 朔 日 乙 亥 太 祖 祭 告 天 地 即 皇 帝 位

太祖高皇帝

元 年 歲 次 庚 申

於郊壇定行天下之號曰明其元以武運諸大國建齊阿代

皆為帝后德嗣文皇帝英祖世宗聖祖高皇帝高宗宣宗

景宗高宗宣宗高宗宣宗高宗宣宗高宗宣宗高宗宣宗

景宗高宗宣宗高宗宣宗高宗宣宗高宗宣宗高宗宣宗

景宗高宗宣宗高宗宣宗高宗宣宗高宗宣宗高宗宣宗

景宗高宗宣宗高宗宣宗高宗宣宗高宗宣宗高宗宣宗

景宗高宗宣宗高宗宣宗高宗宣宗高宗宣宗高宗宣宗

景宗高宗宣宗高宗宣宗高宗宣宗高宗宣宗高宗宣宗

訂世史類編卷之四十六

明紀

太祖以上至正十二年起兵濠州二十四年稱吳王二十八年戊申正月即帝位建國號曰明都應天府後都順天府遂以順天為北京應天為南京

太祖高皇帝

諱元璋字國瑞姓朱氏濠州鍾離人在位三十一年壽七十一葬孝陵

戊申洪武元年春正月壬申朔四日乙亥太祖祭告天地即皇帝位

於郊壇定有天下之號曰明建元洪武遂詣太廟追尊四代祖考妣

皆為帝后德祖玄皇帝懿祖恒皇帝熙祖裕皇帝仁祖淳皇帝京師自舊

臘雨雪陰晦及祭告即位天霽霧露獨露中星益天開景運云○初李善長徐達等以上功德日隆

屢表勸進不允乃率諸臣奉上即吳王位建百司官屬以李善長為

右相國徐達為左相國常遇春俞通海為平章政事汪廣洋為右司

郎中張昶為左司都事諭善長等曰卿等為生民計推戴予然建國

之初當先正綱紀元氏昏亂主荒臣專威福下移由是法度不行人

CHINESE - JAPANESE LIBRARY OF HARVARD - YENCHING INSTITUTE AT HARVARD UNIVERSITY APR 5 1941

建國當先正綱紀

羊丁世史類編卷之四十六 明太祖

哈佛大學漢和圖書館珍藏印

心渙散遂致天下騷動今將相大臣當鑒其失宜協心爲治以成功業毋苟且因循取克位而已也於是立宗廟社稷建宮闕有司以宮室圖進上見其有雕琢奇麗者皆命夫之既而新殿成制皆樸素命博士熊鼎類編古人行事可爲鑒戒者書於殿壁又命侍臣書太學衍義於兩廡壁間曰前代宮室多書繪畫今書此以備朝夕省覽豈不愈於丹青乎太廟成等勅協律郎冷謙考正宗廟雅樂音律及鐘磬等器并定樂舞之制至是相國李善長率文武群臣奉表勸進上曰吾始卽王位不能拒勉從衆言今卿等復勸卽帝位恐德薄不足以當尊善長等頓首復請曰天生聖哲本以爲民殿下之卽王位天命已有歸矣今又三四年若不正大位何以慰天下臣民之望上固卻之明日善長等復請曰殿下謙讓之德著於四方感於神明願爲生民計早徇羣臣之請上曰中原未平軍旅未息吾意天下大定然

後議此而卿等屢請不已如此大事當斟酌禮儀而行不可草草越數日善長率禮官以卽位禮儀進上允之

璘按世稱三代以下惟漢得天下爲正蓋除秦討項名義最當明太祖起兵濠梁廓清宇宙直駕唐軼宋而匹漢矣其開國規模亦絕類漢高而制度更爲詳備卒享國二百七十餘年者良有以也

立妃馬氏爲皇后立世子標爲皇太子初上率師渡江后亦率將士妻妾繼至及居建康后親率妾媵完輯衣輦助給將士嘗謂上曰方今豪傑並爭雖未知天命所歸以妾觀之惟以不殺人爲本人心所

惟以不殺人爲本

歸卽天命所在彼縱殺掠以失人心雖其身亦難保也及是册立爲后上謂侍臣曰昔光武勞馮異曰倉卒蕪蕪亭豆粥滹沱河麥飯厚意久不報朕念皇后起布衣時同甘苦嘗從朕在軍自忍饑餓懷糗餌食朕比之豆粥麥飯其困尤甚昔唐太宗長孫皇后當隱太子構隙之際內能盡孝謹承諸妃消釋嫌疑朕素爲郭氏所忌或以服用

君臣相保難

為獻后先獻郭氏慰悅其意卒免於患殆尤難於長孫皇后也朕因服御詰怒小過輒謂朕曰主忘昔日之貧賤邪朕為惕然家之良妻猶國之良相豈忍忘之罷朝因以語后后曰妾聞夫婦相保易君臣相保難且妾安敢比長孫皇后但願陛下以堯舜為法耳

陳建曰高皇后之德無異於任姒其以忘貧賤相惕以君臣夫婦相保難易致做尤深得諷諫之體

以李善長為中書左丞相章溢為御史中丞

命李善長等兼東宮官先是劉基陶安言於太祖曰適聞中書及都督府議做元舊制設中書令欲奏以太子為之上曰元人事不師古豈可取法且吾子年未長學問未克更事未多宜尊禮師傅講習經傳博通古今識達機務他日軍國重事皆令啟聞何必效彼作中書令乎命詹同取東宮官制觀之謂同等曰朕今立東宮官取廷臣勳德老成者兼其職若新進之賢亦選擇參用夫舉賢任才立國之本

舉賢任才立國之本

崇德尚齒尊賢之道是故連抱之木必以授良匠萬金之璧不以付拙工於是李善長為太子少師兼詹事馮勝兼副詹事楊憲傳璫兼府丞徐達兼太子少傅常遇春兼太子少保鄧愈湯和兼太子諭德章溢兼太子贊善大夫劉基兼太子率更令上諭善長等曰朕於東宮不別設府僚而以卿等兼之者蓋軍旅未息朕若有事於外必留太子監國若設府僚卿等在內事當啟聞太子或有聽斷不明而與卿等意見不合卿等必謂府僚導之嫌疑由是而生朕所以特置賓客諭德等官且妙選名儒為之賓友昔周公教成王告以克詰戎兵召公教康王告以張皇六師此皆居安慮危不忘武備蓋繼世之君生長富貴狃於安逸軍旅之事多忽而不務一有緩急罔知所措二公之言不可忘也

二公之言不可忘

上諭李善長陶安等曰朕誕膺天命統一海宇首建郊社宗廟以崇

祀事顧草創之初典禮未備將何以交神明而致靈貺其酌古今之宜務在適中定議以聞於是善長等奏有國大祀曰圓丘曰方澤曰宗廟曰社稷各具沿革以進

定衛所官軍及定將帥將兵之法其法自京師達於郡縣皆立衛所大率以五千六百人為一衛一千

一百二十人為一所一百一十二人為百戶所每百戶所設總旗二名小旗十名管領鈐束以指揮使等官領之大小相聯以成隊伍有事征伐則詔總兵官佩將印領之既旋則上所佩將印於朝官軍各回本衛大將軍身還第

天下府州縣官來朝陛辭上諭之曰天下初定百姓財力俱困譬猶

初飛之鳥不可拔其羽新植之木不可搖其根要在安養生息之惟

廉者能約已而利人貪者必賤人而厚已况人有才敏者或尼於私

善柔者或昧於欲此皆不廉致之也爾等當深戒之

設尚寶司職在禁廷守寶璽符牌印章辨其所用有事請於內既事奉而藏之凡寶十二曰奉天之寶以鎮萬國祀天地曰皇帝之寶以冊封賜勞曰皇帝信寶以徵召軍曰天子之寶以祭享鬼神曰天子行寶以封賜彝蠻曰天子信寶以調發番兵曰制誥之寶

廉者能約已而利人

以識誥命曰勅命之寶以識勅命曰廣運之寶以識黃選勘籍曰御前之寶以進御座從車駕曰皇帝尊親之寶以答賜宗人曰敬天勤民之寶以訓迪有司凡護守侍衛令牌之號六曰中木火土金水以警夜巡金牌之號五曰仁義禮智信以嚴守衛凡半字銅符之號四曰承東西北巡者左半守者右半合契而從事焉凡銅牌之號一曰勇以稽直率凡牙牌之號五曰勳親文武樂以察朝參凡祭牌之號三曰陪供執以謹祀事凡雙魚銅牌之號二曰嚴以肅直衛曰善以潔祀壇凡符驗之號五曰馬水達通信以給傳郵通制命

胡廷瑞等兵至建寧元守將同參達里麻總管也先不花降執參政

陳子奇送京師○湯和廖永忠等進兵延平先遣人招諭元平章陳

友定不從遂攻之參政文殊海牙等開門出降械友定送京師○胡

廷瑞等進兵克興化遣使招諭汀州寧化連城等縣元汀州路守將

陳國珍納欵於是泉州漳州潮州郡縣相繼降附福建悉平○楊璟

等進兵攻永州元守將右丞鄧祖勝全州平章阿思蘭遣兵來援擊

敗之元兵復自廣西來援璟遣指揮袁子明擊之獲其萬戶丁武等

千餘人璟分遣千戶王廷將兵復寶慶先是明兵已克寶慶為元將周文貴所陷至是廷進兵

福建悉平

羊丁士... 明太祖

莫灘文貴道 ○命平章廖永忠為征南將軍參政朱亮祖為副由海
去遂復其城

道取廣東諭之曰兩廣之地遠在南方彼此割據民困久矣定亂安
民正在今日彼聞入閩不守湖湘已平中心震懾無固守之志若先
遣人宣布威德必有歸欵迎降者可不勞師旅慎勿殺掠阻向化之
心且廣東要地惟在廣州廣州既下則循海州郡可傳檄而定海北
以次招徠留兵鎮守仍與平章楊璟合兵取廣西用師方畧率用是
道又勅贛州衛指揮陸仲亨率本衛及南雄韶州等鎮軍馬會廖永
忠等合兵由韶州直擣德慶為犄角之勢○勅都督康茂才會同大
將軍徐達等取中原

詔以太牢祀先師孔子於國學仍遣使詣曲阜致祭

徐達等兵取南昌路進克棣州攻安樂元守將俞勝遁去其郎中張
仲毅出降

定賦役法

法以田一頃出夫一人不及頃者以別田足之遇
有興作于農隙徵發上慮役及貧民故定此例

改太史院為司天監○詔湯和還明縣造海船漕運北征軍餉

三月徐達等引兵上黃河克永城歸德許州取汴梁○陳州守將左
君弼降先是君弼自廬州走安豐安豐破復走汴梁元將李克彝使
守陳州上遣使陳河以書諭君弼曰曩者兵連禍結非一人之失予
勞師暑月與足下從事足下乃舍其親而奔異國是輕信群下之言
以至於此雖悔何及今足下奉異國之命禦彼邊疆與予接壤若欲
獻計率師復境其中輕重自可量也且予之國乃足下父母之國合
肥之城乃足下丘壠桑梓之鄉寧不思乎天下兵興豪傑並起豈惟
乘時以就功名亦欲保全父母妻子於亂世足下以身為質而求安
於人既已失策復使垂白之母糟糠之妻獨居寡處各天一方朝思
暮望以日為歲足下縱不以妻子為念何忍忘情於老親哉功名富

何忍忘情于
老親

歸其母子陳州

貴可以再圖生身之親不可再得足下能留意於是幡然而來予當棄前非仍復待以故舊則足下以天理人心舉無不順矣君弼得書猶豫不能決上乃歸其母於陳州君弼感泣至是王師西指汴洛君弼降命為廣西衛指揮僉事

楊璟等圍永州分遣周德興張彬取全州先平章阿思蘭夜遁全州民以城降於是道州寧州桂陽藍山常寧武岡州守將皆來降○廖

永忠等率舟師自福州航海趨廣東先遣人至廣州以書招諭元分省左丞何真師至潮州真遣都事劉克佐上其印章併籍所部郡縣

戶口兵馬錢糧奉表歸附

何真廣州東莞人少英偉好書劍元未仕為河源務副使嶺海巡檢官歸鄉里率眾

保障至正十五年邑人王成陳仲王構亂真請于行省舉義兵除之擒仲王以歸成築砦自守圍之久不下真募人能縛成者予鈔十千於是成奴縛之以出真謂成曰公奈何養虎遺患成慙謝奴求賞真如數予之使人具湯鑊駕諸轉輪車上成懼以為將烹已也真乃縛奴於上促烹之使數人鳴鼓推車號于眾曰四境毋如奴縛王者懼此刑也又使數人鳴鉦督奴妻炊火奴一號則羣應之日四境有如

奴縛王者懼此刑也

奴縛王者視此於是人服其賞罰有章就歸之遂併有循惠二州嶺表民賴以安元授以江西分省左丞或陳符瑞勸為尉佗計者輒斥之○夏四月廖永忠等師至東莞何真率官屬出見進次虎頭關元將盧左丞張元帥各率所部來降遂入廣州時參政邵宗愚據三山寨遣人約降而遷延不至乃下令往攻之獲宗愚及其黨皆斬于市

馳檄往諭海南海北郡縣悉皆歸附永忠遣人送何真降表至京師上賜詔褒真謂其保境安民不勞師旅先期來歸雖漢唐名臣竇融李勣奚讓特召真乘傳入朝賜宴仍賜白金千兩文綺紗羅綾絹各

百匹將校各賜有差上語之曰天下紛紛所謂豪傑有三易亂為治上也保民達變識所歸者次也負固偷安流毒生民身死不悔斯不

足論矣頃者師臨閩越卿即輸誠來歸使兵不血刃民庶安堵可謂識時達變者矣授真中奉大夫江西等處行中書省參知政事

陸仲亨率師畧定英德清遠連州肇慶等處元守將張鵬程遁去廣

廣東悉乎

東悉平○楊璟克永州進攻靖江今桂林府○徐達等進攻河南傅友德

分兵取福山寨元石丞潘莽兒降陵青寨黑山寨守將聞風遁去獲

仙人寨守將牛參政等神項寨守將張如圭降達等進兵洛水北塔

兒溲元將詹同脫因帖木兒率眾迎戰常遇春單騎執弓衝入其陣

一箭中其前鋒敵大敗走詹同奔陝餘眾悉降遂營於河南城北行

省平章阿魯溫降乘勝克陝州直抵潼關李思齊部將張德欽薛穆

飛拒戰馮勝擊敗之遂入潼關李思齊棄輜重奔入鳳翔時陝西州郡皆李思

齊張思道所據思道即張良弼也

詔免山東今年夏稅秋糧○命工畫古孝行及身所經歷艱難起家

戰伐之事為圖以示子孫○命學士朱升等修女誠謂之曰治天下

者修身為本正家為先后妃雖毋儀天下不可使與政事政由內出

未有不為禍本者

宦官不得典兵預政

蕪州進籩上因謂中書省臣曰古者方物之貢惟服食器用故無耳目之娛玩好之失今蕪州進竹籩雖為用物但未有命而來獻若受之恐天下聞風爭進奇巧則勞民傷財自此始矣命却之仍令四方非朝廷所需不得妄有所獻

五月禁宦官不得典兵預政

麟按明太祖首禁宦官不得典兵預政時有內使言及政事者輒責逐之仍制內侍不許讀書識字立法非不盡善也乃不數傳而王振汪直劉瑾魏忠賢輩預政矣典兵矣且委國以任之矣其後開門揖盜旋喪國於闖寺之手祖宗之良法美意其可忽乎哉

上巡幸汴梁議定都兼謀取元都○廖永忠朱亮祖進兵取廣西攻

梧州元達魯花赤拜任率官吏父老迎降時元吏部尚書普顏帖木

兒以便宜從事入廣西行次藤州欲募兵迎戰民無應者既而州守

吳庸出降乃率所部走鬱林亮祖勒兵追斬之於是潯貴等州郡以

次降附亮祖分兵克平樂府

忠厚存心寬
大為政

漳州府通判王禕上疏曰臣聞自古帝王定天下成大業者必祈天
永命而所以祈之者在乎修德君德既修天眷自有不能已者書曰
皇天無親惟德是輔此之謂也人君修德之要有二忠厚以存心寬
大以為政二者德之大端也是故周家以忠厚開國故能垂八百年
之基漢室以寬大為政故能立四百年之業簡冊所載不可誣也夫
人君莫先於法天道最急於順人心上天以生物為心故春夏以長
養之秋冬以收藏之皆所以生物也其間雷霆霜雪有時而搏擊焉
有時而肅殺焉然皆暫而不常向使雷霆霜雪無時而不有焉則上
天生物之心息矣臣願陛下之法天道也夫民待君以為生故人君
視民之休戚必若已之休戚誠以君民同一體耳取之有節則民生
遂今浙西既平租稅既廣科斂之當減猶有可議者太祖平吳照張
文淵租簿科糧
每畝有徵至七斗五升者
民不堪命故此疏特言之臣願陛下之順人心也法天道順人心則

存於心者自然忠厚施於政者自然廣大祈天永命之道未有越此
者也陛下建國之初方將立法垂憲以定一代之典制度禮文之事
可議者固多未敢悉數特舉帝王為治之大要冒昧以聞

六月楊璟等克靖江路遣兵攻下柳州招諭兩江溪洞○秋七月左
江太平府土官黃英衍右江田州府土官岑伯顏各遣使賫印來降
廖永忠進兵潯州直抵南寧遣指揮耿天璧等討元平章阿思蘭於
象州師至賓州境阿思蘭率所部詣永忠降廣西悉平○鄧愈進兵
克隨州討平麻張新寨及信陽玲瓏寨破光石腦山寨於是葉舞陽
魯山等縣相繼降附南陽等處遂平

廣西悉平

時潼關以東皆平上命諸將旋師進取元都上發汴梁回京師以都
督馮勝為右副將軍留守汴梁

是月癸酉京城紅氣滿空如火照人自旦至辰方息乙亥京城黑氣

起百步內不見人從寅至巳方消

閏七月徐達等自中灤渡河取衛輝元守將平章龍二棄城走彰德師至彰德龍二復出走其部將楊儀卿來降得船八千餘艘遂下磁州進攻廣平元平章周顯先遁進克臨清獲元將李寶臣都事張處仁以爲嚮導達檄諸將各率馬步舟師大會於臨清遣顧時浚闡以通舟師至直沽獲其海舟造浮橋以濟師至河西務元平章俺普朶兒只進巴等迎敵大敗之擒知院哈刺孫及省院將校三百餘人俺普等遁師至通州衆欲速攻之指揮郭英曰我師遠來敵以逸待勞攻城非我利也宜出其不意破之翼日大霧英以千人伏道旁自率精騎三千直抵城下元將五十八國公率敢死士萬餘張兩翼而出與戰良久英佯敗元兵乘勝來追伏兵起截其軍爲兩道斬首數千級擒元宗室梁王索羅遂克通州元主聞報大懼集其三宮后妃太子同議避兵北行遲明羣臣會議端明殿及開門忽有二狐自殿上出元主見而嘆曰宮禁嚴密此物何由而至殆天所以告朕朕其可留哉復作徽欽銜璧求活邪左丞相失烈門知樞密院事黑廝皆諫不聽卽命准王帖木兒不花監國丞相慶童同留守夜半開建德門出居庸關北去如上都

八月明兵至燕京攻齊化門填濠登城而入執元淮王及丞相慶童平章迭兒左丞丁敬等戮之獲玉印二玉璽一大將軍徐達封其府庫財貨寶物及封故宮殿門以兵守之宮人妃主令其宦寺護持號令士卒毋得侵暴人民安堵市肆不移

詔以汴梁爲北京金陵爲南京

初太祖以金陵六朝舊都國祚不永及得汴梁親往視之將徙都焉後又

謂汴梁四面受敵非建都之地且人民凋敝不可重勞興築宜罷之又議遷於長安以漕運艱難而止監察御史胡子祺議遷都關中不報又議遷都北平可以控制邊陲修換鮑頰曰元主起自朔北是以立國在燕天運已改不可因也今南京宮室已完不必改圖後營鳳

陽爲中都亦以劉基之言而不果遷

放元宮人

是月六日京師天鼓鳴遂赦天下

惟十庶不赦

放元宮人

御史中丞劉基辭歸青田先是上北巡命李善長及基留守中書省都事李彬犯法基按之罪當死善長請緩其獄基不聽奏上竟殺彬由是與善長忤上回京善長愬之求退遂歸

設六部官職分理天下庶務尚書正三品侍郎正四品

有司奏造乘輿服御諸物應用金者命皆以銅爲之有司言費小不足靳上曰朕富有四海豈吝於此然所爲儉約者非身先之何以率下小用不節大費必至開奢汰之原啟華靡之漸未必不由小而致大也

江西行省參知政事陶安卒上哀悼親製祭文遣使祭之追封姑熟

郡公

安字主敬當塗人少有大志博涉經史元末爲書院山長上克郡公太平安與李習迎見退謂習曰非常人也我輩今有主矣上召

安問曰吾欲取金陵何如安曰金陵古帝王之都龍蟠虎踞限以長江之險若取而有之據其形勢出兵以臨四方則何向不克此天所以資明公也上稱善留參幕府贊機務移知饒州賊攻城安與于戶宋炳分城拒守安登城諭賊曰爾皆吾民反爲賊用無乃失計乎衆曰使皆如太守豈有今日城即破不相害會援兵至賊敗去諸將請盡屠從賊者安曰民爲賊脇李何殺之不許御史有言安隱過者上曰朕素知安安豈有此且爾何從知對曰聞之道路上曰御史取道路言毀譽人以此爲盡職可乎立黜之至是卒年五十七初疾劇猶草上時務十二事明初諸禮多安裁定大祀禮專用安議裕禘禮定於詹同齊戒禮朱升五祀禮崔亮朝會禮劉基視祭禮魏觀軍禮陶凱

大將軍達遣孫興祖俞通源等克永平常遇春傅友德等畧保定中

山河間真定皆下之上以元都既克命大將軍進取山西

十月詔改元燕京爲北平府置燕山等六衛以都督孫興祖華雲龍

守之○御史大夫湯和平章楊璟班師還京復命和璟俱爲偏將軍

從大將軍征山西調右副將軍馮勝率師由河南進征渡河克武陟

懷慶元平章白鎖住棄城遁進取澤州元平章賀宗哲棄城遁進克

潞州。召劉基至京。贈基祖父爵永嘉郡公。欲授基爵。辭曰。陛下乃天授臣。何敢貪天之功。聖恩深厚。顯榮先人足矣。

以耆儒梁真。王儀為太子賓客。秦鏞。盧德明。張昌為太子諭德。○登愈討蜀之莽。張獲之。悉平。金商均房數州之地。

詔衣冠悉復唐制。士民皆束髮於頂。官則烏紗帽。員領束帶。黑靴。士庶則服四帶巾。雜色盤領衣。不得用黃玄。

建大本堂。遣儒臣教授太子諸王。以起居注。魏觀侍太子讀書。諸臣分番夜直。上時臨幸。商確古今。評論文。字上嘗御文樓。太子侍問。近與儒臣講何史。對曰。漢七國事。上問。曲直安在。對曰。曲在七國。上曰。

此講官一偏之說。景帝為太子時。以博局殺吳世子。及為帝。又輕聽。晁錯黜削諸侯。七國之變。實由於此。若為諸子講此。則當言藩王當上尊天子。毋撓天下公法。如此。則為太子者。知隆親親之恩。為諸子

者。知夾輔王室。盡君臣之義矣。

講官一偏之說
聽晁錯黜削諸侯

者知夾輔王室盡君臣之義矣

璘按太祖論七國事最為透徹其後建文嗣統必欲盡削宗藩然竟以此失天下則齊黃之術疎矣

十二月徐達與諸將議曰。聞擴廓帖木兒出太原。由保安經居庸。進

攻北平。孫都督總六衛之師。足以鎮禦我。與爾等乘其不備。直抵太原。傾其巢穴。則彼進不得戰。退無所依。此兵法所謂扼吭擣虛者也。

若彼還兵救太原。則已為我牽制。進退失利。必成擒矣。諸將皆曰。善。遂引兵徑進。擴廓帖木兒聞之。果還兵。其鋒甚銳。萬騎突至。傅友德

薛顯率敢死士數千騎衝卻之。敵軍於城西指揮郭英。憑高望之。謂常遇春曰。彼兵多而不整。營大而無備。請夜劫之。遇春然其計。與大

將軍達謀曰。我騎兵雖集。而步兵未至。何以能戰。莫若遣精騎夜劫其營。其眾可亂。眾亂。主將可縛也。達從之。會擴廓部將豁鼻馬潛使

人約降。且請為內應。達大喜。遂乘夜襲之。先遣五十騎伏城東十里。

以舉火鳴砲為期至夜郭英率十餘騎潛入其營舉火鳴砲伏兵應之遇春等引兵繼至敵大潰亂擴廓方坐帳中聞變倉卒亟納靴未竟跣一足踰帳後出乘驛馬從十八騎遁去追不及遂克太原豁鼻馬率眾降得兵四萬餘人馬四萬餘匹達復遣傅友德薛顯將步騎邀擊賀宗哲軍於石州敗之崞忻霍絳猗氏平陽等處皆平

汪河完節東歸

前奉使汪河自陝歸河自癸卯歲奉使被拘至是凡六年抗厲不屈完節東歸上嘉之擢為吏部侍郎河備陳陝中事且上方畧擴廓帖木兒竟由是敗○安南國王陳日烜遣使奉表朝貢○頒社稷壇制於天下郡邑左社右稷各方二丈五尺高三尺四寸陛三級祭用春秋二仲月上戊日○詔立旗纛廟於京師都督府治之後天下衛所於公署後以霜降日致祭

己酉二年春正月高麗王王顓遣使奉表朝貢○勅建元右丞余闕

江州總管李黼祠肖像祀之○諸軍攻大同路克之擒其守將竹真

○免山東山西北平河南秦隴及應天太平鎮江寧國廣德滁和等

處本年夏稅秋糧○以功臣胡大海耿再成趙德勝廖永安俞通海

張德勝桑世傑配享太廟○勅建功臣廟於雞鳴山○命中書省定

太歲風雲雷雨嶽鎮海濱山川城隍諸神祭禮○置河間長蘆河東

陝西都轉鹽運使司○命祀馬祖諸神築壇於後湖按周官春祭馬祖夏祭先牧秋

祭馬社冬祭馬步馬祖天駟星也先牧始養馬者馬社始乘馬者馬步神之災害於馬者

二月上耕籍田既又命皇后率諸命婦蠶於北郊以供祭服○更定

太廟時享春以清明夏以端午秋以中元冬以長至

以侍讀學士秦裕伯為翰林待制裕伯大名入先從父仕元在燕都就學胄監登第後累官至福建行

省郎中會世亂棄官寓揚州復避地上海時張士誠據姑蘇遣人招之拒不納吳元年上命中書檄下松江起之裕伯對使者曰受元爵祿三十餘年肯之不忠也母喪未終忘哀而出不孝也乃上書中書

省固辭洪武元年復檄起之稱疾不出上乃手書諭之曰海濱之民

好鬪裕伯習謀之士而居此地苟堅守不起恐有後
悔裕伯拜書入朝授侍讀學士屢辭不允授侍制

上謂詹同日古人爲文或以明道德或以通世務如典謨之言皆明
白易知至如諸葛亮出師表亦何嘗雕刻爲文而誠意溢出使人感
激近世文士不究道德不達世務立辭艱深意實淺近即使過於相
如楊雄何禪實用自今翰林爲文但取通道理明世務者毋事浮藻

○詔修元史

命左丞相李善長監修召前起居注宋濂漳州府通判王
禕爲總裁徵山林遺逸之士汪克寬等十六人同纂修
開局天界寺取元經世大典諸書以資參考又遣儒士歐陽佑等往
北平採訪元統及至正事蹟既而進濂翰林學士禕待制時有布衣
王彝字宗常有操行爲文本經術會稽楊維禎以文名海內彝獨薄
之曰文不明道而徒以色態媚人所謂淫於文者也作文妖數百言
詆之至是與修元史

大將軍徐達承制遣楊璟等還征唐州先是鄧愈下唐州以朱指揮
守之後唐州兵亂殺朱指揮蘇家寨賊將老馬劉及南陽郡縣皆相
繼而起事聞故有是命璟至南陽首諭協從者曰今天下大定唐州

亂兵欲何所濟徒自速亡耳汝等皆有生理胡爲效尤今若早歸田
里轉禍爲福彼如負固罪有所歸由是協從者皆散乃攻唐州一鼓
破之戮其首而宥其餘南陽復平

大將軍達等兵克河中府遂會諸將進取陝西造浮橋渡河攻西安
府○三月大軍至西安營於長安城北元平章王武率官屬士民迎
降遂遣馮勝取鳳翔李思齊奔臨洮

夏四月大將軍達至鳳翔議師所向諸將咸以張思道之才不如李
思齊慶陽易於臨洮先取慶陽然後從隴西攻臨洮達曰不然慶陽
城險而兵悍未易猝拔臨洮之地西通番彝北界河湟得之其人民
足以備戰鬪其地產足以供軍儲今以大軍蹙之思齊不西走必東
手就降矣臨洮既克旁郡自下諸將然之遂進兵克隴州秦州鞏昌
乃遣馮勝率諸衛兵進征臨洮李思齊窮迫遂舉城降時張思道弟

張良臣守慶陽聞王師克臨洮大懼亦以慶陽降顧時戴德征蘭州克之大將軍送李思齊赴京入見上嘉慰之命為江西行省左丞不之官食祿於京師

時倭寇劫掠蘇州崇明沿海為患太倉衛守禦指揮僉事翁德率官軍捕之遇於海門之上幫擊殺不可勝計生獲數百人得其兵器海舟奏至詔以德有功陞本衛指揮副使賞其官校綺帛白金有差戰溺死者加賜錢布米仍命德往捕未盡倭寇遣使祭告東海之神德承命往倭不復出沿海遂寧

五月大將軍徐達進征平涼張良臣復叛達趨涇州遣兵圍慶陽○元也速復侵通州先是來侵曹良臣以千騎却其萬騎至是復至上命常遇春以所部軍東還營之復命李文忠為副由遵化度鹿兒嶺敗元將江文清於錦州獲其士馬千計至大寧也速迎戰敗走進破

開平元主北奔追至北河俘斬其宗王慶生等遂進攻大興文忠度其必走乃設伏截其歸路元人果夜遁遇伏大破之斬其將鼎住得軍士萬人車萬輛馬三千匹牛羊五萬頭全師還京次柳河川常遇春得疾而卒年四十訃聞上震悼罷朝追封開平王諡忠武樞至龍江上親製文躬往祭之慟哭而還命配享太廟肖像祀於功臣廟位皆第二長子茂鄭國公次子昇封開國公後勅葬遇春於鍾山之陰

遇春濠之定遠人元末羣盜起有大盜劉聚得遇春凡所剽掠遇春果敢深入必克獲而歸由是為聚所愛重然察其意鹵莽無遠志屬太祖駐兵和州遇春年二十三率所部數十人來歸未至假寐田間夢神人披金甲擁盾呼之曰起起主君來適太祖騎從至即伏謁願為先鋒太祖曰爾以饒來歸且有故主在吾安得奪之遇春頓首曰劉聚盜耳無能為也太祖猶未許既渡江抵采石元兵置陣磯上相去三丈餘遇春飛舸至太祖麾之應聲挺戈躍而上元兵披靡遂敗之乘勝取太平始授總管府先鋒所向輒捷論功與大將軍徐達等及卒其子鄭國公茂弱冠而封茂婦父為宋國公馬勝以隸宋國公北征納哈出不奉約束削爵安置廣西之龍州然猶念遇春功封其次子昇為開國公建文末以抗靖難師安置雲南臨安尊爵嘉靖中繼絕世封其後為懷遠侯

大軍圍慶陽日久王保保欲為張良臣聲援遣將韓札兒攻破原州
指揮陳壽等皆陷沒大將軍達遣右丞徐禮控扼驛馬關以當原州
之衝馬勝駐軍驛馬關之東傅友德薛顯駐靈州甯正守邠州葉國
珍守彭原以遏之札兒復攻陷涇州勝等追擊之札兒遁去張良臣
外無救援內乏糧餉至煮人汁丸泥嚙之其黨姚暉等開門出降達
入城良臣投井中引出斬之慶陽平遂下平涼王保保賀宗哲皆北
遁陝西悉平達等班師還京
征南將軍廖永忠副將軍朱亮祖等自廣東班師還京上命皇太子
率百官迎勞於龍江入見上撫慰歡甚復命太子送永忠歸第○時
中原南北皆定惟偽夏主明昇據蜀上遣楊璟往招諭之昇年尚幼
國事皆決於母彭氏及其偽丞相戴壽璟至諭以禍福昇欲奉國入
覲牽於群議未決璟將還以書曉之昇不能從○詔李文忠代領常

遇春之衆應援慶陽文忠至太原聞慶陽已平而元兵攻大同甚急
謂副將趙庸等曰吾與君等受命而來聞外之事有利於國者專之
可也今大同受敵若候進止吾恐敵愈熾豈不失機衆曰諾遂由代
出鴈門關九月師次馬邑元邏騎數千猝至文忠與戰敗之擒其將
不革擲帖木兒次白樺驛擒四大王時天雨雪文忠疑有伏自引數
騎入山覘之前軍已駐營去敵五十里文忠令復前進阻水為營先
遣人間行達大同告知城中是夜元將脫列伯悉衆來攻文忠堅壁
不動度其饑疲乃分兵為左右翼身當前鋒奮擊大破之生擒脫列
伯降其衆萬餘人獲輜重馬匹無算遂進兵追孔興至東勝州奔哥
倉而還

元史成上親疏張中十事命宋濂作傳

張中字景華江西臨川人少習儒以春秋應舉不第遂放

情山水遇異人授以太極數學時天下大亂與人言避兵之方從則吉違則凶歲壬寅上率師下豫章鄧愈薦中召至問曰予定豫章兵

不血刃市不易肆生民自此蘇息否對曰未也且又此地當流血盧
舍焚燬殆盡鐵柱宮亦為灰燼惟一殿存耳及指揮康泰反一如中
言陳友諒圍豫章三月不解上舉兵伐之召問中中對曰五日當
大勝亥子之日獲其首領其戰必在南康上因命中從行舟次孤山
無風不能進中日當祭之祭已風大作遂達彭蠡湖常遇春與敵戰
康郎山被圍其勢甚危皆謂不可救中日亥時當白出如期果出連
戰輒大勝陳友諒中飛矢死降其眾五萬人初豫章受圍上問何日
圍解中日當在七月丙戌暨報至乃乙酉蓋日官算曆是月差一日
實在丙戌解去其他奇中往往類
此書載人稱鐵冠道人云

占城國王阿答阿者遣其臣虎都蠻來朝貢

功臣廟成 以徐達為首次常遇春李文忠鄧愈湯和沐英胡大海馮國用趙德勝耿再成華高丁德興俞通海張德勝吳良吳楨曹良臣康茂才吳復茅成孫興祖凡二十一人死者肖像祀於廟

冬十月高麗使者辭歸上賜書諭其王并以六經四書賜之

命天下郡縣皆立學 府學生員四十人州學生員三十人縣學生員二十人 正教諭訓導等官

十一月以廣東行省參政周貞為

殘元王保保知大將軍南還自甘肅以兵來襲蘭州守將張溫整兵

命天下郡縣皆立學

出戰元兵少却溫收兵入城堅守鞏昌守將于光來援至馬蘭海倅
遇保保兵戰敗被執擁至蘭州城下使呼張温出降光大呼曰我不
幸被執公等宜堅守大將軍行至矣賊怒殺之城中聞光言守益固
賊二鼓登城溫擊却之乃引兵去事聞陞溫都督僉事遣官諭祭光
命配享功臣廟

十二月賞平定中原征南將士徐達廖永忠胡廷瑞楊璟康茂才傅

友德薛顯馮勝顧時朱亮祖鄭瑄白金文幣有差上念副將軍常遇

春功勞與大將軍一體優賞各與中丞章溢卒溢居官務存大體不

屑細故或以為言溢曰憲臺百司儀表居其職者當先養人廉耻使

避而不犯豈直恃搏擊為哉 溢字三益龍泉人元至正間寇犯龍泉執溢從子存仁溢願代之賊聞溢名大喜問計溢正色曰若等皆有父母妻子顧為此滅族事賊怒并執溢

盜給守者得脫歸集里兵擊賊有功授龍泉主簿辭結廬匡山太祖召溢擢僉管田司事巡行江東兩淮歷浙東按察司僉事會按察使孔克仁坐法辭連溢太祖曰子素知溢守法陞溢浙東按察司副使

以義理為權
衡而已無與

盜曰疆場之事臣死不避副臬之命敢辭太祖從之比至處州諸山
寨已叛盜誅首叛者餘悉解散溢朝京師太祖曰卿在邊良苦待平
吳即召卿因謂侍臣曰溢雖儒臣宣力一方寇盜盡平功不在諸將
後因問溢征闕方畧對曰湯和由海道進胡廷瑞自江西入李文忠
從浦城取建寧此必勝也太祖立詔文忠出師如其策洪武元年拜
御史中丞太祖祀社稷大風雨還生外朝大怒議禮者罪且不測盜
從容言曰風雨連朝無足為怪願賜寬霽事遂已溢有文武才位官
所至有成績天性至孝撫世耐物一本於誠每臨大事議論不避權
貴凡有諍諫太祖委曲從之至是居母喪悲感過度營辦
葬事親負土石感疾而卒太祖愍悼親製文遣人祭之

上欲以楊憲為丞相劉基與憲素厚以為不可上怪之基曰憲有相
才無相器夫宰相者持心如水以義理為權衡而已無與焉者也今
憲不然能無敗乎上曰汪廣洋何如基曰褊淺觀其人可知上曰胡
惟庸何如基曰此小犢將債鞍而破犁矣上曰吾之相無踰於先生
基曰臣非不自知但臣疾惡太深又不耐煩劇為之且孤大恩天下
何患無才願明主悉心求之如目前諸人臣誠未見其可也

璘謂從來才難知人難自知更難劉基曰宰相以義理為權衡而
已無與即伊周亦不是過斯誠難矣而明太祖不得之于楊憲復

求之于汪廣洋胡惟庸豈謂知人之哲乎且素知基峻隘而基即
自以為疾惡太深不耐煩劇誠使任之為相將見峻者易之以平
易隘者濟之以含弘其事業必有可觀者基嘗曰若使我當國
掃除俗弊一二年後寬政可復也基之不相豈殺運猶未除歟

李文忠以所俘脫列伯等獻京師上曰彼亦為其主耳事敗至此情
有可矜其釋之仍賜冠服

庚戌三年議出師征沙漠命大將軍徐達率諸將由陝西出征王保
保李文忠為左副將軍同趙庸出北平攻元上都

禮部奏定朝日壇築於城東門外高八尺夕月壇築於城西門外高
六尺朝日以春分日夕月以秋分日星辰則附祭於月壇從之○二
月追封故元帥郭子興為滁陽王立廟滁州命有司致祭

三月免應天徽州十三府州河南山東北平本年夏稅秋糧○夏四
月封建諸王詔曰朕聞古昔帝王之子居嫡長者必正儲位其眾子
當封以王爵分茅胙土以撫其國朕今有子十人即位之初已立長

子標為皇太子諸子之封本待報賞功臣之後然尊卑之分所宜早定乃以四月初七日封第二子樛為秦王第三子欄為晉王第四子棣為燕王第五子櫛為周王第六子楨為楚王第七子榑為齊王第八子梓為潭王第九子祀為趙王第十子檀為魯王姪孫守謙為靖江王皆授以冊寶設置相傳官屬○以危素為弘文館學士尋謫居和州素撫州金谿人字大朴與同邑黃暉字殷少幼同學元至正末素累官至翰林學士承旨暉為待制徐達克燕京下令元臣皆輸告身素與暉約死於難暉從人張午勸暉勿死暉不從竟投居賢坊井中死素走所居報恩寺亦投井寺僧大祥挽出之謂曰國史非公莫知公死是亡國史也素因不死達乃以素歸上雅聞素名仍命為學士一日上御東閣側室靜坐素至履聲索索徹簾內上問為誰對曰老臣危素上曰是爾耶朕將謂文天祥來也素惶恐頓首上曰素元朝老臣何不赴和州看守余闕廟去素至和逾年憂懼而卒○按一統志有蔡子英者河南永寧人元末舉進士累遷顯官元兵敗子英單騎走關中入南山大將軍圖形求之傳送京師授以官不受退而上書大畧謂臣之事君猶女之適人一與之醮終身不改事君之道食其祿終身不貳朝廷重之命館於儀曹忽一夜大哭不止人問其故曰思舊君耳上知其志不可奪遣送出塞

詔行大射禮

詔開科取士初場各經義一道四書義一道二場論一道詔詰表箋內科一道三場策一道中式者後十日以騎射書算律五事試之○改濠州為中立府定為中都築新城城內營皇城宮殿立郊廟社稷置文武公署一如京師以羣臣言臨濠帝鄉可建都也○詔行大射禮令太學生及天下郡縣生員皆習射○定服色之制色尚赤○徐達大破王保保兵於定西古城擒元郊王文濟王國公闡思孝平章韓札兒虎林赤等官一千八百六十五人降其將校士卒八萬四千五百人獲馬萬五千二百八十四駱駝驢騾雜畜不可勝計王保保與其妻子數人從古城北遁去是役也都督孫興祖戰死於五郎口右丞胡德濟戰於莊浪敗績大將軍達械德濟送京師上遣使諭達曰胡右丞失律正當就軍中戮之若送至朝廷朝廷必議其功過彼嘗有救信州之功守諸暨之勞故不忍加誅宜除其罪由赦之孫興

祖專聞上痛悼追封燕山侯塑像於功臣廟劉基嘗言於上曰臨濠雖帝鄉然非建都之地

王保保雖可取然未易輕敵也至是孫興祖胡德濟師失利王保保走沙漠鳳陽雖營為中都而卒不居皆如基言○李文忠

等師出野狐嶺降其守將至察罕腦兒擒其平章祝真次於白子海

之駱駝山元太尉蠻子等拒戰敗之進攻紅羅山楊思祖率萬餘人

降進次開平獲元平章上都罕等始知元主於四月二十八日以疾

殂於應昌文忠克應昌獲元主嫡孫買的里八剌及后妃諸王并宋

代玉璽金寶一十五王冊二大圭玉鎮圭玉竿玉斧各一元太子愛

猷識里達刺僅脫身遁追至北慶州不及而還朔庭遂空

按元十四主百六十五年内去世祖庚辰前七十三年為宋順帝丁未後二年為洪武實九主八十八年

五月大將軍達遣鄧愈招諭吐蕃自將取慶元○達等自定西旋師

乘勝取鳳州克畧陽擒元平章蔡琳遂入沔州由鳳翔入連雲棧取

漢中守將劉思忠等以城降達還軍西安

通隋子孫不行此禮

六月李文忠遣送元主孫買的里八剌至京師省臣楊憲等請獻俘

於廟上曰古者雖有獻俘之禮武王代殷曾用之乎憲曰武王事不

可知唐太宗嘗行之上曰太宗是待王世克若遇隋之子孫恐不行

此禮元人入主中國朕之祖父亦與享其太平獻俘之事不忍加之

乃賜買的里八剌第宅於龍山封為崇禮侯○修元史成詔修大明

錄其書以吉凶軍實嘉冠服車輅儀仗鹵簿字學樂律六者為綱

詔戶部籍天下戶口置戶帖書各戶之鄉貫丁口名歲以字號編為

勘合用半印鈐記籍留於部帖給於民令有司點闡比對有不同者

問發克軍官隱瞞者處斬○建諸王府

以劉基為弘文館學士翰林應奉陶凱為禮部尚書○中書省左丞

相楊憲以罪誅憲入中書欲盡變省中事凡舊吏一切罷出更用所親乃創為一統山河花押示僚吏以觀從違翰林編

修陳極賀曰押字大貴只有天在上更無山與齊者也憲大喜即奏極為翰林待制陰令御史劉炳誣奏侍郎左安上覺之下炳獄炳吐

實憲與炳 ○宋濂王禕進續修元史

秋八月都督康茂才從征漢中卒於道訃聞上震悼追封斬國公親

臨奠祭茂才斬州人元末結義旅捍寇有功累遷宣慰使都元帥成

伏藏其精銳茂才復收潰卒立寨於天寧洲太祖命以襄陽砲破其

寨茂才奔金陵金陵破復奔鎮江諸將追及之茂才知天命有歸乃

解甲率所部降曰前者之戰各為其主今日至此死生惟命太祖笑而釋之令統所部從征

大將軍徐達率諸將西征吐蕃克河州吐蕃元帥何鎖南普花兒只

等皆納印請降追元豫王至西黃河抵黑松林殺阿撒子於是河

州甘朶烏思藏等部皆來歸哨至甘肅西北數千里始還

冬十一月左副將軍李文忠等大將軍徐達等班師至京丞相李善

長率百官上表賀上御奉天殿大封功臣李善長韓國公徐達魏國

文忠曹國公馮勝宋國公鄧愈衛國公湯和中山侯耿炳文長興侯

吳良江陰侯廖永忠德慶侯傅友德賴川侯趙庸南雄侯楊璟景陽

侯郭興鞏昌侯顧時濟寧侯吳楨靖海侯唐勝宗延安侯陸仲亨吉

安侯費聚平涼侯周德興江夏侯陳德臨江侯華雲龍淮安侯胡廷

瑞豫章侯朱亮祖永嘉侯韓政東平侯俞通源南安侯康茂才子鐸

斷春侯王志六安侯鄭遇春榮陽侯曹良臣宣寧侯黃彬宜春侯梅

思祖汝南侯陸聚河南侯華高廣德侯並賜鐵券子孫世襲封江廣

洋忠勤伯劉基誠意伯爵止其身追封故功臣馮國用鄧國公俞通

海統國公丁德興濟國公加封耿再成泗國公封汪興祖為東務侯

人有言其過者弗與詰券俾自効以圖實封封薛顯為永城侯亦不

與詰券俾居海南上名諸將論之曰左丞薛顯始自盱眙來歸朕推

腹心以任之及從征討皆著奇績自後破慶陽追王保保戰賀宗哲

其勇畧意氣迥出眾中可謂奇男子矣朕甚嘉之然其性剛勇朕屢

戒飭而終不悛至於妄殺胥吏殺獸醫殺火者殺馬軍而又妄殺天

長衛千戶吳富尤不可恕也富自幼從朕有功無過顯因利其所獲

孳畜殺而奪之朕欲加以極刑恐人言天下甫定即殺將帥欲宥之

則死者何辜今乃論功封以侯爵謫居海南分其侯祿為三一以贍

不能保全終始者何人常以此為鑒戒則可與古之名將並矣。○戶部言陝西察罕腦兒之地有大小鹽池請設鹽課提舉司東至慶陽南至鳳翔漢中西至平涼北至靈州募商人入粟中鹽粟不足則以金銀布帛馬驢牛羊之類驗值準之如此則軍儲不乏民獲其利從之。○大明志書成

建奉先殿於乾清宮左自太廟一歲五享之外每日焚香朔望薦新節序及生辰皆於此祭祀用常饌行人禮

辛亥四年時偽明昇尚據巴蜀上命湯和為征西將軍督楊璟廖永忠周德興曹良臣等率京衛荆湘舟師由瞿唐趨重慶傅友德為前將軍督顧時陳德汪興祖等率河南陝西步騎由秦隴趨成都上密諭傅友德曰蜀人恐吾西伐必悉其精銳東守瞿唐北阻金牛若出其意外直擣階文門戶既墮腹心自潰兵貴神速但患不勇耳。○二

命祀元福

月以刑部郎中劉惟謙為尚書。○廣德侯華高卒追封巢國公塑像功臣廟。○命有司祠祀元御史大夫福壽

三月親策試進士吳伯宗等及第出身有差伯宗撫州金谿人時初開科目賜袍笏冠帶授

禮部員外郎命與學士宋訥同修大明日曆胡惟庸上方用事欲人附已伯宗性剛直不為少屈惟庸恨之上令各行省連

試三年官足任使自後三年一舉著為定例

遣使祭歷代帝王陵寢在河南者十陳州祭伏羲商高宗孟津縣祭漢光武洛陽縣祭漢明帝章帝鄭州祭周世

宗鞏縣祭宋太祖太宗真宗仁宗在山西者一榮河縣祭商湯在山東者二東平州祭唐堯曲阜縣祭少昊在北平者三內黃縣祭商中

宗滑縣祭顓頊高辛在湖廣者二鄱縣祭神農寧遠縣祭虞舜在浙

江者二會稽縣祭夏禹宋孝宗在陝西者十五中部縣祭黃帝咸陽

縣祭周文王武王成王康王宣王漢高帝文帝景帝與平縣祭漢武

帝長安縣祭漢宣帝三原縣祭唐高祖醴泉縣祭唐太宗蒲城縣祭

唐憲宗涇陽縣祭唐宣宗故元遼陽行省平章劉益籍其軍馬錢糧之數并遼東州郡地圖遣使來降上嘉其誠遣斷事官吳立持詔往諭置遼東指揮使司以益同知指揮事。○命永嘉侯朱亮祖為右副將軍

率兵助伐蜀○夏四月傅友德等克蜀階州蜀人斷白龍江橋友德督兵修橋以渡至五里關蜀將于世珍集兵固守都督汪興祖躍馬直前中飛石死友德攻破之遂拔文州○楊璟等進攻夔州蜀平章莫仁壽守瞿唐以鐵索橫斷關口丞相戴壽平章鄒興副樞飛天張等益兵固守北倚羊角山南倚南城寨鑿兩岸石壁引纜爲飛橋者三平以木板置砲石水竿鍊鑿等物以拒王師璟等戰不利退還歸州湯和廖永忠等亦以江水暴漲不能進駐師大溪口○傅友德進白水江遂克綿州至漢江阻水乃造戰艦百餘艘艦成將進兵漢州欲以軍中消息達湯和而山川懸隔乃以木牌數千書克階文綿州月日投江中順流而下蜀守者見之爲之解體友德進徇漢州蜀守將向大亨迎戰擊敗之戴壽聞友德下漢江乃分瞿唐兵與太尉吳友仁還援漢州以保成都既至友德親率師迎敵壽兵大敗遂拔漢

州○時湯和等師駐大溪口欲俟水平方進上聞之詔諭和曰傅將軍率精銳冒險深入正當水陸並進使彼疲於奔命平蜀之機正在今日若候水退豈不誤事詔至永忠率師先次夔府擊鄒興敗之擒其元帥龔興

六月永忠至瞿唐關山峻水急鐵索飛橋橫據關口舟不能進乃密遣壯士數百人舁小舟踰山渡關出其上流人持楸糧帶水筒以禦饑渴山多草木軍士皆衣青蓑衣魚貫出崖石間度其已至乃分軍爲兩道一軍攻陸寨一軍攻水寨將士以鐵葉裹船頭置火器而前蜀人盡銳來戰永忠已破其陸寨矣既而將士舁舟出江者揚旗鼓噪而下下流之師擁舟前進發火砲火筒夾擊大破之殺其將鄒興焚其三橋斷橫江鍊索擒同僉蔣達等八十餘人斬首千餘級溺死者無算明日湯和兵亦至分道並進直抵重慶次銅鑪峽明

昇大懼其右丞劉仁勸昇奔成都昇母彭氏泣曰事勢如此縱往成都不過延命旦夕何益不如早降以免生靈於鋒鏑昇遂遣使請永忠納欵永忠以湯和未至辭不受後數日和至重慶明昇面縛銜璧與母彭氏及羣臣奉表詣軍門降和受璧永忠解縛承制慰撫下令將士不得侵掠送明昇赴京師

吏部尚書詹同禮部尚書陶凱協律郎冷謙等作燕享九奏樂章成一曰本太初二曰仰大明三曰民初生四曰品物亨五曰御六龍六

曰泰階平七曰君德成八曰聖道成九樂清寧

秋七月傅友德克成都分兵會朱亮祖徇未下州縣重慶知州尹善

清拒戰擊斬之進克保寧執吳友仁蜀地悉平

蜀地悉平

先是友德圍成都戴甲士列於陣前友德命以毒矢火器衝之象中矢却走蜀兵自矚死者甚眾友德亦中流矢會湯和遣人報重慶之捷及撫諭戴壽向大亨家令其子弟持書往成都招諭壽等遂無鬪志舉城降是役也得蜀金寶玉冊銀印五十八銅印六百四十路府七元帥府八宣慰

宣撫司二十五州
三十七縣六十七

置遼東都衛指揮使司以馬雲葉旺為都指揮使先是遼陽劉益來

降投官鎮守其地故元平章洪保馬彥翬殺益其右丞張良佐左丞

房嵩殺彥翬洪保走故元將納哈出營遼東之眾推良佐等權衛事

良佐遣使械送殺益逆黨平章八丹知院僧兒等至京乞留斷事吳

立鎮撫軍民上以立與良佐嵩俱為遼東指揮既而納哈出據金山

擾邊於是乃置都衛總諸鎮軍馬雲等由登萊渡海頓兵金州招降

故元叅政葉廷秀攻走平章高家奴進至遼東完城繕兵一方遂安

○八月復開科鄉試○上手書問劉基以天象事曰元以寬失天下

朕救之以猛今天鼓鳴八載日中黑子疊見卿宜條悉以聞基上言

以為雪霜之後必有陽春今國威已立宜少濟之以寬上以其書付

雪霜之後必有陽春

史館按太祖即吳王位至洪武辛亥所謂天鼓鳴八載也

明太祖

南番暹羅國王參烈昭毘牙渤泥國王馬謨沙三佛齊國王哈刺札
八刺卜各遣使臣奉金葉表文來朝貢

北平守禦華雲龍統兵至雲州擒故元平章僧家奴於牙頭盡得其
士衆駝馬復至上都大石岸擊敗驢兒國公於高州武平遣指揮孫
恭等招諭故元惠王伯都不花儲王伯顏不花宗王子蠻伯帖木兒
等并部下將士悉降獲金寶二金印一金字團牌九銀字團牌二皆
送京師上賜伯都不花等第宅幃幔什物衣服有差

明昇并其官屬至京朝見封昇為歸義侯賜第京師論平蜀功賞傅
友德廖永忠各白金二百五十兩綵緞二十表楊璟趙庸朱亮祖不

賞按洪武五年命海舟載歸德侯陳理歸義侯明昇送往高麗○汪興祖以有過從征自劾死於

王事詔授原封東勝侯爵賜鐵券子孫世襲

冬十一月命自今官吏犯贓罪者無貸

二事未了

壬子五年春正月遣翰林制王禕行參政吳雲持詔招諭雲南故
元梁王把匝刺瓦爾密○發兵戍遼東命靖海侯吳禎總舟師由登
萊轉運以餉之○復召用薛顯給賜永城侯鉄券子孫世襲○議征
沙漠謂諸將曰今天下一家尚有三事未了一歷代傳國璽在元未
獲二統兵王保保未擒三元太子不聞音問今遣爾等分道征之於
是令大將軍徐達總中路兵湯和等為副出大同趨和林宋國公馮
勝為征西將軍總西路兵傅友德陳德為副出臨洮趨甘肅曹國公
李文忠為前將軍總東路兵顧時韓政曹良臣為副出北平趨上都
三路共兵四十萬

三月達抵山西境都督藍玉為前鋒敗保保游騎於野馬川復敗保
保於土刺河保保與賀宗哲合達與戰不利死者萬餘人湯和亦敗
於斷頭山○馮勝等擊元岐王兵於別力篤山敗之斬首數千級西

取甘州趨西涼敗元將失刺罕至永昌敗元將朶兒只巴於虎刺罕口獲牛羊馬駝十餘萬進拔肅州元平章不花戰死太尉鎖納兒等降獲馬萬匹至瓜沙洲敗其守將獲羊馬二萬取亦集乃路敗俞寶丘勝等分布戍守而還○李文忠率都督何文輝等兵擣應昌進可溫河至合刺莽來元人遁去文忠曰兵貴神速千里襲人難多重負乃留韓政駐輜重於驢駒河令士卒各持二十日糧兼程並進至土刺河元太師哈刺章蠻子列騎以待文忠督兵與戰馬中流矢乃下馬持短兵接戰部將李榮以所乘馬授之文忠得馬氣益勵據鞍橫槊麾眾更進元兵却走追至騁海來兵益眾文忠據險爲營多張疑兵縱所獲馬畜於野元兵疑有伏遂遁去軍還失故道乏水渴死者眾至桑哥兒麻出野尋水脉忽所乘馬以足跑地泉隨湧出三軍賴之乃爲文殺牲以祭顧時與文忠分道入沙漠迷失道糧且盡士卒

疲乏遇元兵不能戰時奮勵獨引麾下數百人躍馬大呼擊敗之掠其輜重牛馬而還士卒復振曹良臣至阿魯渾河孤軍戰沒事聞上痛悼之追封安國公塑像於功臣廟○辰州一十八洞及九溪九渡水米坪散毛标溪等洞蠻連結作亂侵掠旁郡上命衛國公鄧愈爲征南將軍楊璟爲副討平之凡克四十八洞復命江陰侯吳良率指揮胡海等攻銅鼓五開曹滴騰浪篤莫洪州古州等蠻誅其首惡撫其餘黨凡平崗寨一百餘所皆編戶附籍輸稅糧奉法令地方遂寧

标音宜

十二月命有司考課必有學校農桑之績○命仍祀孟子初國子監請釋奠命罷孟子祀至是上曰孟子闢邪說辯異端發明先聖之道其復之

癸丑六年春正月置六科給事中掌叅駁糾劾之事○徵孔克表爲

翰林修撰克表温州平陽人孔子五十五代孫也博學篤行故元至正戊子進士

詔天下鄉貢舉人罷會試開文華堂於禁中選河南舉人張唯等四名山東舉人王璉等五名并選各省共十七名召見便殿命題賦詩

稱旨皆授翰林院編修命入堂中讀書詔宋濂桂彥良分教之光祿日給饌每食皇太子親王送為主冬夏賜衣時賜白金鞍馬初彥良

道在正心

浙江慈谿人被薦召為皇太子正字入侍大本堂上嘗從容諍以治道對

曰道在正心心不正則好惡偏好惡偏則賞罰差賞罰差則太平未

刑德則逸用法則勞

有期也陛下懲元氏以寬縱失天下立法甚嚴臣民有犯必誅即周禮刑亂國用重典之意上曰法數行而數犯柰何對曰用德則逸用法則勞他日問曰卿何官曰正字上曰卿帝者師也又一日謂彥良

曰江浙大儒惟卿一人對曰臣不敢當宋濂劉基上曰濂文人耳基峻隘不如卿也

賢才以德行為本

二月改羣牧監為太僕寺○命宋濂等類編歷代帝王事蹟名曰昭鑒錄以示諸王○詔暫罷科舉令有司察舉賢良論中書省臣曰朕設科舉求天下賢才以資任用今所司多取文辭及試用之不能措諸行事者甚衆朕以實心求賢而天下以虛文應之甚非所以稱朕意也其暫罷天下科舉有司察舉賢才必以德行為本文藝次之○

奪誠意伯劉基祿先是基言於太祖曰溫處之間有地名談洋僻絕富險民多負販私鹽率逋逃之衆宜設巡司蒞之

基又言郡縣豪猾吏當治使其子璉奏上二事皆不先關白中書時胡惟庸行丞相事恨之適有旨逮豪猾吏惟庸使刑部查覈怵吏誣基善相地以談洋負山面海有王氣欲圖為祖基民弗與則畫建司之策以逐其家遂為成案奏上請加重辟太祖不聽惟奪基祿而已基入朝謝恩留京師

命天下州郡繪山川險易圖以進

秋七月以左丞相胡惟庸為右丞相○真臘國王忽兒那遣使朝貢

○命宋濂編集歷代姦臣事蹟名曰辨姦錄分賜太子諸王

八月詔西番土番各族舉故有官職者至京受職賜印俾因俗為治以故元攝帝師喃加巴藏卜為熾盛佛寶國師分設烏思藏甘朶二都指揮使司指揮宣慰招討等司及萬戶府千戶所凡三十二處以官其酋長自是番僧有封為灌頂國師贊善王闡化王正覺大乘法王如來大寶法王俱賜金章誥命領其民人間歲朝貢○建歷代帝王廟於京師其制正殿五間以為五室中一室居三皇東一室居五帝西一室居夏禹商湯周文王又東一室居周武王漢武帝唐太宗又西一室居漢高祖唐高祖宋太祖元世祖九月禁四六文辭務從簡古明初凡在外司府衛等衙門所進表箋翰林院撰為定式如聖節冬至正旦賀表之類臨時惟抄謄以進而已其謝除官謝頒賜表文一切革去冬十月命刑部尚書劉惟謙及儒臣宋濂等更定大明律十一月濞州遣官進人參上曰今後不必進因謂省臣曰往年金華進香米朕命止之遂於園中種田數十畝每籽耘割獲之時親往觀

是務以養民

之足以自適而其所入亦足供用朕飲酒不多太原進葡萄酒自今亦令其勿進國家以養民是務豈以口腹累人哉嘗聞宋太祖家法子孫不得遠方取珍物甚得詒謀之道也

十二月令天下郡縣止存大寺觀各一所僧道併居焉女子非四十以上者不得為尼○故元雲南梁王殺前使臣王禕吳雲禕等留雲南諭令奉版圖來歸梁王初不從後有降意會元太子立於沙漠使脫脫徵糧於雲南脫脫覘知梁王有二心因以危言偏梁王殺使臣

以絕其念禕雲遂被害王禕字子克浙江義烏人太祖聞其名召署中書省掾商畧稅務每稱子克而不名命採

故實為四言詩以授太子出知南昌府禕被榛莽撫瘡痍除蠹經理廢壞郡得安輯吳元年議即位禮忤旨謫漳州通判召修元史擢翰林待制兼國史院編修奉使吐蕃至是招諭雲南被害瘞地藏寺北年五十二子神字仲縉痛父遺骸未返往滇慟哭行求不能得奠于死所仰天一號幾絕真入感愴稱王孝子建文元年神為國子博士修太祖實錄因上言父死節狀贈禕翰林院學士奉議大夫諡文節明文臣賜諡自禕始○吳雲字友雲常州宜興人洪武初召授弘文館校書郎歷官湖廣參政坐事被逮太祖知其才釋之謂之曰

雲南未奉正朔卿能為朕作陸賈乎對曰天命所在誰能違之臣奉威德告以大義彼必附順若其頑不從與歸未晚會雲南遣鐵知院等二十人使沙漠為邊將所獲太祖釋二十人與雲俱至沙塘口二十人謀曰吾等奉使不達被執而還罪必死共說誘雲令胡服編髮詐為元使又偏令改制書共給梁王雲不從以死自誓竟被害梁王遣人收雲骨葬給孤獨寺子黼以雲死事入國子監弘治中贈雲刑部尚書諡忠節與王文節公並祀雲南

甲寅七年春正月定親王國中所居前殿曰承運中圓殿後曰存心四城門南曰端禮北曰廣智東曰體仁西曰遵義

二月命有司修治闕里先師孔子廟宇祭器法服田產荒蕪者悉蠲其稅設孔顏孟三氏子孫教授以訓其族人

夏四月上幸中都改中立府為鳳陽府徙府治於新城○五月禮部尚書牛諒奏云古禮凡太祀齋之日宰犢牛為膳以助精神上日致齋三日而供三犢所費太多徒增傷物之心何益事神之道諒曰載

在周禮上曰周官之法不行於後世者多矣惟自奉乃欲法古可乎

○賜詹同致仕詹同徽州人為元柳州學正遇亂家黃州陳友諒以士承旨兼吏部尚書○命曹國公李文忠北伐文忠至代遣將各出至三不刺

擒元平章陳安禮等斬其將珍珠驢至白登俘元國公孛羅九

秋七月文忠督兵攻大寧高州火石崖克之斬元宗王朶朶夫里擒承旨百家奴師至豐州魯王敗走追斬之獲其妃蒙哥并斬其司徒

答俊海平章把都知院忽都等○八月海上倭寇有警命靖海侯吳禎率沿海各衛兵出捕至琉球大洋獲倭寇人船俘送京師○召北

平守禦淮安侯華雲龍回京卒時有言雲龍過者上以都督何文輝代之

九月成穆孫貴妃薨詔定禮儀諸臣言父在為母服期年若庶母則無服上親定制子為父母庶子為其母皆斬衰三年嫡子眾子為庶母皆齊衰杖朞五服亦稍有升降編輯成書使內外遵守名曰孝慈

錄

冬十月命徙江南民十四萬戶以實鳳陽官給牛種開墾荒田

遣崇禮侯買的里八剌北還諭之曰爾本元君子孫國亡就俘曩即

欲遣歸以爾年幼道里遠遠恐不能達今既長成朕不忍令爾久客

於此故特遣歸見爾父母以全骨肉之恩又諭宦者咸禮表上花帖

木兒曰此爾君之嗣也不幸至此長途跋涉爾善視之因遺書諭元

主愛猷識里達臘賜織文金綺衣各一襲

璘按明太祖不從楊憲獻俘之議以為元主中國朕之祖父亦與亨其太平至是遣其孫崇禮侯歸何其仁之至義之盡也迨後以

三事未了連兵沙漠則或蔽於私欲矣若夫殺戮臣民曾不少恤意者憲與惟庸等實多不法而激之使然耶

乙卯八年春三月詔造大明寶鈔時廣開錢局民間皆毀銅器輸官

上以宋有交會法元造交鈔及中稅至元寶鈔易於流轉可以省鼓

鑄之勞詔造之○命有司立張巡許遠廟於歸德州歲時致祭○德

慶侯廖永忠卒

按功臣本傳贊曰永忠以豪傑茂爽之才虎視鷹揚計謀宏遠觀其殲友諒於鄱陽繫士誠於吳會服國

以全骨肉之恩

珍而擒有定靖兩廣而縛明昇降王破國於指顧之間斬將擧旗於
談笑之頃誠開國元勳也論功當封公太祖謂其使所善儒生窺上
意止封侯而終獲譴以沒焉

夏四月誠意伯劉基卒

時基以奪祿懼罪留京師疾篤上遣使送歸一月而卒年六十五○按基字伯溫處州青

田人通天文陰符家言元末舉進士授高密丞秘書監揭傒斯見而

奇之曰子魏玄成流也而英特殆過之應行省辟與幕僚議不合投

劾去嘗遊武林泛西湖見異雲起眾皆謂慶雲將分韻賦詩基獨引

滿不顧曰此天子氣也應在今陵十年後有王者起我當輔之時杭

城猶全盛諸人駭以為狂無知基者惟西蜀趙天澤奇之以為諸葛

孔明之流方國珍反行省舉基為都事基建議曰方氏首亂宜捕而

斬之省請於朝丞相受方氏路准招安乃劾基擅作威福羈管於紹

興未幾復起用基以時終不可為乃棄官歸田里著郁離子十卷太

祖定金華下括蒼以金帛來聘既見陳時務十八策太祖大悅每呼
先生而不名又時時謂人曰伯溫吾子房也後恩禮亦漸薄人以爲
胡惟庸讒間去洪武十三年胡惟庸誅上復思基言召其子璉授考
工監丞遷江西右叅政卒召璉子應復封誠意伯次子仲璟奏公遺
疏授閩門使遷谷王府右長史靖難師起谷王迎降仲璟不屈下獄
應卒子法亦停襲正德間賜諡曰劉基學為帝師才稱王佐孔明之
任豈間人言敬輿之謀不負所學占事考祥明有徵驗運籌畫策動
中機宜渡江策士無雙開國文臣第一受爵能讓懷辭金龜海之風
成功不居從辟穀封留之請可謂明哲允矣清貞特贈爾為太師諡
文成嘉靖中刑部郎中李論言臣鄉人劉基宜侑享高廟世其封爵

廷臣議奏曰高帝收攬賢豪一時佐命功臣並軌宣翼而幃幄奇謀
中原大計每每屬基故在軍有子房之稱剖封發孔明之喻基亡之
後孫應實嗣之太祖嘗召諭再三鉄券丹書誓言世祿焉嗣爵未幾
旋即隕世禡圭裳於末裔委礪帶於空言或謂後亂孤貧勿克負荷
或謂長陵紹統遂致疎嫌雖一辱泥塗傳聞多謬而載書盟府績效
具存昔者武王與滅天下歸心成季無後為善何勸劉基宜侑享太
廟其九世孫指揮使瑜宜嗣伯爵制曰可基入祀太廟
庶中瑜嗣誠意伯食祿七百石與世券瑜卒子世延嗣

秋八月故元統兵王保保卒保保自定西之敗走和林元嗣主復任
那海之衙庭其妻毛氏亦自縊死上一日宴謂羣臣曰天下誰為男
子者皆對曰無如常國公所將不過萬人而橫行無留陣上乃拊髀
嘆曰是遇春耶我得而臣之我竟無以臣王保保真男子
也遂册其妹為秦王妃後秦王薨妃亦以死殉諡愍烈

冬十一月發罪人工役屯種於鳳陽令各處人民雜犯死罪者免死
工役終身徒流者照年限工役官吏受贓及犯罪當罷職者發鳳陽
屯種犯流罪者發鳳陽工役一年然後屯種

十二月故元太尉納哈出入寇遼東都指揮馬雲葉旺守禦嚴密元
兵知其有備徑趨金州時州城未完指揮王富督勵士卒分守諸門

納哈出禪將乃刺吾自恃驍勇率數百騎徑至城下挑戰城上射中
之遂被擒納哈出退走不敢經蓋州乃由祚河遁歸葉旺先移兵祚

河自連雲島至窟駝塞十餘里沿河疊冰為墻以水淋之經宿皆凝
結隱然如城藏釘板於沙中設陷馬奔於平地伏兵以待命老弱捲

旗登兩山間諭以聞砲即豎旗四面寂若無人已而元兵至俟其過
城南砲發伏兵四起兩山旌旗蔽空鼓聲震天矢石如雨寇大驚駭

倉皇北奔趨連雲島過冰城馬不能前皆入奔中眾遂大潰馬雲亦
於城中出兵追擊至將軍山畢栗河斬殺及凍死者無算追至猪兒

峪獲其士馬納哈出僅以身免捷聞上遣使齎勅獎勞遠東諸將加
授馬雲葉旺並為都督僉事○陝州人獻天書斬之○各致仕禮部

尚書陶凱為國子監祭酒凱寧海人洪武初召修元史授太子書歷

言記事上皆從之出為湖廣參政致仕復召為國子監祭酒自

稱耐人道上聞之大怒曰何自賤也竟以罪廢君子惜之

丙辰九年春三月詔免河南北平山西陝西浙江江西福建湖廣等省安慶揚州徽州池州等府本年稅糧

六月欽天監奏五星紊度日月相刑下詔求言山西平遙縣訓導葉居昇應之上言三事曰分封太侈也用刑太繁也求治太速也臣觀歷代開國之君未有不以尚德緩刑而結民心亦未有不以專事刑罰而失民心國祚長短悉由於此今四方已平矣民心已治矣而不務以寬大御之視誅殺人如滅螻蟻使民不獲安息姑以當今刑法言之笞杖徒流死今之五刑也用此五刑既無假貸一出乎大公至正可也而用刑之際多出聖衷致使治獄之吏務求深刻以趨承上意深刻者多獲功平允者多獲罪或至以贓罪多寡為殿最欲求治獄之平允豈易得哉古之為士者以登仕版為榮以罷職不敘為辱今之為士者以混跡無聞為福以受玷不錄為幸以屯田工役為

殺入如滅螻蟻

如捕重囚

獲之罪以鞭笞捶楚為尋常之辱其始也朝廷取天下之士務無遺逸有司催迫上道如捕重囚比至京師除官多以貌選或所用非其所學苟免誅戮則罹屯田工役之科率是為常畧不顧惜非用刑之繁者乎漢之世嘗徙大族於山陵矣未聞實之以罪人也今鳳陽皇陵所在而率以罪人居之怨嗟愁苦之聲充斥園邑非所以恭承宗廟意也賊人四大王突竄山谷如狐如鼠無窟可追深山大壑捕之數年按洪武三年元宗室四大王由岢嵐山中率眾寇武州太原指師其後四大王遁走獲其三大王脫忽的帖木兒送京王來歸赦之乃歸咎於新附戶籍之細民而遷徙之騷動四千里之地雞犬不得寧息况新附之民日前被兵流於他所朝廷許其復業而來歸今乃就附籍者取其數而盡遷之是法不信於民也凡此皆足以召災異者也天下之治亂氣化之轉移人心之趨向皆非一朝一夕之故臣謂天下趨於治也猶堅冰之將泮也冰之堅非太陽一

日之光能消之也陽氣發生土脉微動然後能使之融釋聖人治天下亦猶是也夫圖治於亂世之餘猶治亂絲綬之則端緒可得欲速則膠結而不可解今病民之不安姦邪之不止朝夕異令賞罰無章君勞於上臣困於下烏覩所謂治乎此二事者人皆知其不可然非禍亂之根也臣所謂分封太侈者秦晉燕齊梁楚諸國都城宮室亞於天子賜以甲兵衛士之盛臣恐數世之後尾大不掉然後削地而奪之權則起其怨否則恃險爭衡否則擁眾入朝甚則緣間而起防之無及也今議者曰諸王皆天子親子也皆皇太子親弟也何不取漢晉之事以觀之乎漢景帝漢高帝之孫七國之王景帝同宗父兄弟子孫也一削其地則構兵西向晉之諸王皆武帝親子孫迭相擁兵以危王室由此言之分封踰制禍患立生援古證今昭然矣書奏逮問夷死獄中

居昇字伯臣
浙江海寧人

秋八月改各行中書省為承宣布政使司○將征雲南命穎川侯傅友德巡行川蜀永寧雅播等處修治城池關梁於是金筑普定中坪乾溪等寨酋長相率來降○閏九月罷弘文館

冬十月詔改建太廟從同堂異室之制國初立四親廟德祖居中廟懿祖居東第一廟熙祖居西第一廟仁祖居東第二廟至是始定此制前為正殿後為寢殿九間以一間為一室奉安各廟神主時享歲祫則設累代帝后衣冠於神座而祀之○十二月吐蕃所部川藏邀阻烏思藏使者掠其輜重命衛國公鄧愈為征西將軍都督沐英為副將軍總兵往討之○置寧夏諸衛

丁巳十年春二月學士承旨宋 仕歸○夏四月鄧愈沐英等破蕃部川藏覆其巢穴追至崑崙山斬首無算俘男女一萬口獲馬五千牛羊十三萬○命監察御史李鐸往誠意伯劉基家取其觀象玩

古天文諸書先是基子璉遵父命收諸書緘藏石室中伺服闋上進官之璉以未終制辭甫釋服即除考工監丞尋兼監察御史陞江西參政

始定天地合祀之典先是郊祀一如周禮冬至祀天於圜丘夏至祀

地於方澤上謂天地猶人父母為子之道致父母異處安得為孝乃

倣古明堂遺制即圜丘之舊壇為崇宇名曰大祀殿合六宗之神各

築壇以從饗每歲正月擇日行禮○五月命韓國公李善長曹國公

李文忠總中書省都督府御史臺同議軍國重事○誅戶部主事趙

乾上勅中書省臣曰向荆斬等處水災朕寢食不安亟命趙乾往賑

自去年十二月至今今年五六月方施賑濟民饑死多矣夫民饒而上

不恤其咎在上吏奉命不能宣上意視民死而不救罪不勝誅其斬

之以戒不恤吾民者○詔監察御史巡按州縣○免河南山西廣東

湖廣本年秋糧

秋八月南番瀆巴國入貢○九月免泃江省本年秋糧○置進正使

司掌出納諸司文書敷奏封駁之事以曾秉正為通政使

冬十月徭國公鄧愈卒愈自河州班師卒於壽春訃聞上哀慟輟朝

三日喪至三山門車駕臨奠親擇葬地以故塋隘改卜於城南西山

之原追封寧河王諡武順配享太廟仍肖像於功臣廟愈泗州虹縣人父曰順興

率鄉里少年據臨濠與元兵戰死長子友隆代之復病死愈代之年

十六每出戰則先登陷陣所向無不摧破眾曰使仲君早將何至以

首予敵太祖在滁陽愈自盱眙率所部來附破元兵殲陳友諒殲張

士誠降胡廷瑞戰功居多至是卒年四十一愈為人沉毅詳敏其事

太祖最恭慎臨大敵而不懼有大功而不矜禮賢下士寬惠愛人所

歷廣德宣城徽嚴饒撫南昌襄陽入郡之民皆懷其德長子鎮襲封

從大將軍征討卒無子弟銘為錦衣衛僉事永樂間停襲嘉靖中繼

絕世封其後繼坤為定遠侯勲號階祿視懷遠侯常立振等卒子祖

錫○封沐英為西平侯子孫世襲

都督濮真征高麗被執高麗王愛其驍勇欲降之不從王怒欲殺之
真曰大丈夫有赤心肯汝屈邪即抽刀剖心示之而死王初意欲迫
抽刀剖心而死

賜真不虞真之死也真既死王大懼遣使入朝謝罪併歸真從行軍士上曰濮真當危難秉義不屈忠節可嘉追封樂浪公諡忠襄時真子瑜生甫數月即襁褓中封為西梁侯以報其功真鳳陽人初學文以忠勇被遇有功歷官都督○四月松潘等處蠻寇為亂命御史大夫丁玉率師討平之置州衛戍守其地○十一月皇孫允炆生

資格非為賢才設

戊午十一年春正月進封湯和為信國公○三月禁奏事關白中書省○上諭吏部曰朝廷懸爵祿以待士資格者為常流設非為賢才設今後庶官之有才能而居下位者當不次用之於是以西方府知府李文煥實鈔提舉費震俱為戶部侍郎○夏四月以朱夢炎為禮部尚書○元嗣君愛猷議理達臘殂子脫古思帖木兒立上遣使往祭之

秋八月南番彭亨國百花國各遣使奉金葉表文來朝貢○西番洮

州等處戎寇為亂命西平侯沐英率都督藍玉王弼金朝興吳復張龍葉昇謝成張溫周武曹興等統兵征之首取甘朶降其萬戶乞失迦彝其部落俘獲無算洮州十八族番彝三副使汪舒朶酋只阿烏阿十商等攬納隣七站英進兵擊之

冬十一月總兵官辰州衛指揮楊仲名討平五開叛蠻捷聞○臨江

侯陳德卒追封杞國公○以梅殷為駙馬者尉尚太祖第二女寧國

公主殷梅思祖○十二月封皇子栢為湘王胡順妃生王明敏好學能文善道家言多勇力

善武桂為豫王後改封代王模為漢王後改封肅王植為衛王韓妃

後封遼王國於廣寧王得巡邊塞簡鍊士馬

詳訂世史類編卷之四十六終

明紀

太祖高皇帝

已未十二年春正月沐英等兵至洮州斬磧石州叛逃土官
站土官失納等遂於東籠山南築城戍守既而番寇引兵來攻英等
擊敗之生擒三副使等納隣七站之地設官守之

三月以萊州府知府董俊爲兵部尚書明州府知府余文昇爲工部
尚書○東宮文學傅藻等編春秋本末成上之

夏五月靖海侯吳禎卒遣封海國公上親臨奠墓塑像於功臣廟○
命都督僉事張赫代吳禎督遼東海運

六月沐英等班師至京論功封藍玉爲永昌侯王弼爲定遠侯張瑄
爲鳳翔侯吳復爲安陸侯

爲靖寧侯謝成爲永平侯張溫爲

寧侯曹興為懷遠侯周武為雄武侯金朝興為宣德侯又以都督
成績有功勞封安慶侯子孫皆世襲指揮使

秋七月命曹國公李文忠領大都督府事○平羌將軍丁玉等討蜀
寇彭晉貴等平之

冬十月定致仕官居鄉禮惟於族內序尊卑其外祖家及妻家亦序
尊卑若筵宴則設別席不許坐於無官者之下如與異姓致仕官會
則序爵爵同則序齒其與異姓無官者相見不須答禮庶民以官禮
謁見敢有凌侮者論如律

十二月詔徵天下博學老成之士江西布政使沈立本遣人召文元

吏部侍郎顏子中子中白殺子中西域人五領鄉薦

城不克間道入福建收復建昌浮海獻捷元都授福
遷至吏部侍郎出使廣東比至廣已歸附於明子中墜
折一足於是變姓名浪跡江湖時居進賢北山先是其
西叅政楊憲所獲送京師有弔之者子中曰吾身且不

懷鳩自隨

子哉誓不復仕常懷鳩自隨曰有強我者當以死答之郡縣聞而義
之不之彊至是立本專使招之子中曰吾今死亦晚矣乃具牲酒祭
其祖父師友○永嘉侯朱亮祖鎮廣東番禺知縣道同奏亮祖不法
遂飲鳩而卒

數十事召回而卒○貶右丞相汪廣洋於海南道卒廣洋與胡惟庸

所為不法廣洋知而不言上察其然勅以洗心補過久之占城貢物
使者既至不為引見上切責之至是御史中丞余節言劉基為胡惟
庸毒死廣洋宜知狀上問廣洋廣洋對無是事上頗聞其實因
責廣洋欺給謫居海南行間太平上復遣使責之廣洋自經死

庚申十三年春正月丞相胡惟庸謀逆言所居第井中醴泉湧出邀

上往觀駕出西華門內使雲奇衝蹕道勒馬言狀氣方勃舌駛不能
達意上怒其不敬左右搥亂下右臂將折猶指惟庸第弗為痛縮

上悟乃登城望其第乃梨林立即發兵掩捕拷掠具狀磔於市御史

大夫陳寧都督李玉御史中丞余節等皆伏誅株連究詰指為胡黨

坐死者一萬五千人宋濂孫宋慎坐胡黨誅籍其家械濂至京欲并

誅之皇后諫曰民間請一先生尚有始終不忘待師之禮宋濂親教

太子諸王豈宜若是忽况濼致仕在家必不知情乞赦其罪上意解得發茂州安置行至夔州而卒

宋濂字景濂浦江人姓七月而生六歲能詩及長文學為著祖定金陵徵聘為翰林編修起居注辭歸復徵至京詔修元中翰林學士朝廷典禮多所裁定嘗侍宴性不能飲強之輒醉太祖製醉學士文賜之至是卒於夔墓初在夔永樂中其孫恪以蜀獻王命遷葬華陽置祀田正德中益文憲

○革中書省罷丞相陞六部為正二品衙門分理天下庶政分設左右前後中五軍都督府

○追贈雲奇右少監賜葬鍾山命有司春秋致祭

二月命戶部減蘇州松江嘉興湖州四府重稅糧額先是上憤吳人附張士誠為死守及平吳取吳中大族租簿佃曆照數徵糧至是量減舊一畝科七斗五升至四斗四升者減十之二四斗三升至三斗六升者止徵三斗五升以下仍舊○遣應天府官祀歷代忠臣漢蔣

子文晉下壺南唐劉仁瞻宋曹彬元福壽凡五廟○故元國公火脫赤知院愛足屯衆和林為邊患上命沐英總陝西兵討之由赤集乃

路渡黃河歷賀蘭山涉流沙至其境夫其營五十里分軍為四英率驍騎當前夜銜枚以進合而圍之脫火赤等駭惑不知所措皆俯首就擒獲其全部而歸○以嘉興府知府薛祥為工部尚書○是月燕

王之國北平以葛誠為燕府長史

後建文君圖燕誠奉密勅為內應燕王殺之

夏五月甲子雷震謹身殿大赦天下除本年田租○罷御史臺○六月雷震奉天殿詔停齊潭二王府役作○置諫院

以唐鐸為諫議大夫

秋七月罷秘書監凡內府書悉翰林院典籍掌之○九月置四輔官兼太子賓客位次公侯秩正三品告於宗廟必欲德合天人均調四

時以臻至治徵諸儒王本李祐龔敷為春官杜政趙民望吳淵為夏官惟秋官冬官未得其人以王本等攝之每賜坐講論治道既而王

本犯極刑召前御史安然代之然以憂卒餘皆罪黜此職遂廢○是

年瓜哇國王入達那巴那務遣其臣阿列葵列奉金葉表文朝貢

辛酉十四年春正月命魏國公徐達率湯和傅友德耿炳文沐英等將兵出塞討乃顏不花至北黃河敵駭遁友德等夜襲灰山擒其平章別里不花樞密副使文通沐英領兵出古北口獨當一面克嵩州高州全寧諸部過驢駒河獲知院李宜并獲其部眾而還○三月編賦役黃冊以一百一十戶為里推丁糧多者十人為里長餘百戶分隸十甲歲役里長一人管一里之事城中曰坊長近城曰廂長鄉都曰里長十年一周每里編為一冊冊首總為一圖孤獨不應役者則帶管於一百一十戶之外而列於圖後名曰畸零冊成一本進戶部其布政司及府○始定翰林院官制為五品衙門先設翰林院學士正二品侍講學士正四品又置東宮左右春坊司有學士承旨學士侍制應奉之職至是始定制

直郎各一員秩正六品夏五月湖南五溪蠻作亂議討之江夏侯周德興請行賜書褒美德興師至蠻悉散走不敢復出○安南國王陳煒遣使奉表貢方物命還其貢物以書責之時思明府言安南攻其永平等塞安南亦言思明府攻其脫嗣諸處上勅廣西布政司自今安

南入貢並勿納按安南唐虞時南交地秦為象郡漢為南越所據武帝平南越置交趾九真日南三郡宋梁時土豪曲承美者據之已而并於劉隱其後管內大亂眾推豪酋丁部為州帥部子連繼立宋平嶺表連遂內附黎桓篡丁氏李公蘊又篡黎民陳日照又篡李氏宋置不問相沿封為交趾郡王元憲宗破其國日照竄居海島始歸元元封其子北昂為安南國王北昂卒子曰桓自立元俊之曰桓卒子曰燁遣使朝貢於元明興二年求貢仍封安南國王賜銀印王名曰燁卒弟曰煒立曰煒卒子曰鑑立陳叔明請封叔明者煒兄也專國政至是煒遣使朝貢上惡其疆悍詔責之其國東起欽州西歷左江北至臨安元江龍州其孔道憑祥其要害也由臨安經蒙自河蓮花灘至其東都可四五日其俗羹療雜居不知禮義推髻剪髮好浴善水其山川佛跡山勾漏海富良江為大產金珠珊瑚玳瑁諸香蘇合油胡椒羚羊角犀象兕白鹿猩猩佛佛白雉翡翠蚺蛇蟻子鹽波羅蜜烏木菴木境內有越王城天使館浪泊柱銅鼓

秋七月日本國王良懷遣僧如瑤等貢方物却之命禮部諭其王毋得肆侮隣邦縱民為盜○八月四川水盡源通塔坪散毛諸洞蠻作亂命江夏侯周德興充征南將軍安慶侯仇成充副將軍征容美等洞時德興方搜捕五溪聞命即於仇成等移兵進討皆平之德興還京賜田一庄

九月命穎川侯傅友德爲征南將軍永昌侯藍玉西平侯沐英爲副將軍列侯吳復金朝興仇成張龍王弼都督張銓等率帥三十萬往征雲南師行上出餞於龍江友德至湖廣分遣都督胡海郭英陳植等領兵五萬由四川永寧趨烏撒友德等率大軍由辰沅趨貴州進攻普定擒土酋安瓚諸苗蠻犵狁聞風迎降○江陰侯吳良卒上震悼輟朝親爲文祭之追封江國公塑像功臣廟

冬十二月傅友德等兵至普安攻下之進至曲靖先是元梁王把匝刺兀爾密遣其司徒平章達里麻將精兵十餘萬屯曲靖以拒沐英曰彼謂我師疲於深人未有虞心及其無虞心乃可破也遂倍道進師將至白石江忽大霧四塞衝霧及江而止頃之霧霽則兩軍相望達里麻見之大驚以爲神軍飛至擁兵陣於南岸沐英分遣一軍沂流潛渡出其陣後吹銅角樹旗幟爲疑兵山谷間達里麻急撤陣後

軍以禦之岸上軍陣亂友德等趣師濟江一湧而渡既濟整列進戰敵衆披靡生擒達里麻橫屍十餘里俘其衆二萬人友德悉慰遣之使各歸業友德進擊烏撒分遣沐英等趨雲南梁王聞達里麻敗棄城走滇海島中先縊其妃自飲藥而死投水死之父老爭出金馬山焚香拜迎王師英人城秋毫無犯收梁王金印并符信圖籍安撫其民友德亦自由靖循格孤山而北以應永寧之兵時元右丞實卜聞胡海等進自永寧乃聚兵赤水河以拒之海等造木筏夜半濟河而友德亦至實卜遁去友德令將士於烏撒築城版渾方具蠻衆復合斬首三千餘級餘衆潰散遂城烏撒得七星關以通畢節又克可渡河於是東川烏蒙芒部諸蠻震懾望風降附○封皇子權爲寧王國於大寧

命朝觀官各舉所知一人

壬戌十五年春正月命天下朝觀官各舉所知一人○以汝南侯梅

思祖掌雲南布政司事張統爲左參政○沐英等率兵畧激江臨安
沅江尋甸楚雄洱海次第下之○二月左副將軍藍玉等攻大理其
城倚點蒼山西臨洱河南詔皮羅閣所築龍頭龍足上下二閔險要
土酋段世聚衆五萬扼下閔沐英自將攻之牢不可破乃令王弼等
東趨上閔英以兵綴下閔爲犄角勢別遣胡海將一軍夜從間道渡
河繞出點蒼山後緣崖而上張旗幟遲明斬閔而人胡海之師從山
而下蠻衆驚潰拔其城擒段世乃分兵取鶴慶麗江破石門閔蕩金
齒由是車里摩芟和泥等部相率歸附又畧建昌故元平章月魯帖
木兒降○免直隸浙江河南江西山東等處本年稅糧○閏二月賜
雲南各土官冠帶給誥敕使任本州知州等官○三月置錦衣衛及
鎮撫司所隸有大漢將軍力士校尉人等專掌直駕侍衛巡捕等事
若有重囚下衛司推勘

平

夏四月烏撒東川忒部諸蠻復叛傳有德沐英會兵進討斬首三萬
餘級諸蠻來降雲南悉平以烏撒烏蒙芒部地四川分隸之

秋七月營陽侯楊璟卒追封芮國公宣德侯金朝興南征卒追封沂

國公蘄春侯康鐸卒○以開濟爲試刑部尚書濟洛陽人○以秀才

曾泰爲戶部尚書泰江夏人有學行

八月命安陸侯吳復充總兵官平涼侯費聚爲副勦捕普定等蠻破
數十寨置貴州都指揮使司以聚署都司事

始令衙門用半印勘合行移先是各布政司因循舊例用空印紙於
各部查得錢糧軍需有差錯改正即將發至印紙填寫咨呈補卷上
知之大怒曰如此弊瞞我遂大行考較將各部尚書各布政司各府
州縣官多論死輕者克軍或斷發工役內外官員死徙大半於是議
用半印勘合出納閔防其看合之制令在京五府六部都察院衙門

各置簿籍二扇合空紙之半照各地方編寫字號押印完畢外號簿發諸行省都布按司直隸府州衛所收掌內號底簿并勘合紙本衙門收貯凡行移在外事務勘合科填寫號紙下各地方比照朱墨字號相同將開去事件奉行完報如號紙盡絕照字號編接如前各該司府州衛俟年終將發去勘合底簿折粘具本奏繳仍具清冊一本送原發衙門以憑稽查比較遂為定制初空印事起在洪武及守令坐死罪佐貳官免死邊遠克軍丞相大臣莫敢諫時有儒士鄭士利者字好義海人其兄士原先為河南懷慶府同知遷湖廣按察司僉事以前任河南時空印事繫獄中士利嘆曰上不知空印無罪誠得人言之豈有不悟會星變求直言士利曰可矣既而讀詔書有假公言私者罪之士利曰吾所欲言者為天子殺無罪為可痛耳吾兄非主印者固當出需吾兄杖出乃言士原免死出土利為書數千言

鄭士利

言數事而於空印最詳言今日深罪空印者恐姦吏得挾空印紙為文移以虐民耳臣以為文移必完印乃可今考較策書合兩縫印非一印一紙之比縱得之亦不足用况不可得乎且錢穀之數府必合於省省必合於戶部其數誠不可懸斷預決必至戶部而後定省府遠者去戶部六七千里近者三四千里待冊書既成而後用印則往來之難非期年不可至故必先用印而後書此權宜之務所從來遠矣何足深罪且國家諸法必明示天下而後罪犯法者以其故犯之也自立國以至於今未常有空印之律有司不知其罪今一旦捕而誅之則何以使受誅者甘心乎朝廷求賢而置之庶位得之甚難位至郡守者皆數十年所成就通達廉明之士非如草菅然可刈而復生也陛下奈何以不足罪之罪而罪有用之才乎臣竊為陛下痛惜之遂詣丞相府丞相問何書士利曰吾將為天子言之丞相代入奏

太祖覽之大怒詔丞相御史雜問誰教若為必有主謀者士利笑曰
顧吾書可用與否何如耳吾業為國家言事自分受禍人誰為我謀

乎辭卒不屈然猶輸作終身而竟殺空印乎

按明初有司官犯贓十

仍剝皮實草凡府州縣衛所衙門之左特立一廟以祀土地神

六兩以上者梟首示衆

剝皮之場名曰皮場廟於各官公座旁各置一剝皮實草袋焉
茅坤曰按黃太史佐云國初多從重典潘臬守令稍有贓罪懷印
未煖非遠戍即廷誅故有為老人怕做人材詐為癡愚不識字以
冀免者如山西平陽縣民孫敬先是也有以人材為御史慮事累
及詐以他屍作已名字滕臙相埋而潛遁去者如太平府當塗縣
楊岡是也此類甚多不可殫述然事覺
亦竟不免於誅法網嚴密可想見矣

是月丙戌皇后馬氏崩后性恭儉服浣濯之衣每誠諸王妃公主曰
爾等生長富貴當為天地惜物接妃嬪有恩被寵生子者待之加厚
太子諸王雖愛之甚篤勉令務學有以器皿衣服相尚者必切責之
上嘗前殿決事或震怒回宮必問今日處何事怒何人因諫曰上有
衆子正好積德不可縱怒殺人致死者冤枉活人性命乃子孫之福

彼富未常犯

國祚亦長久上召朱文正自江西回京欲問罪后諫曰文正自漢江
以來克太平破陳也先取建康多有戰功守江西陳氏兵雖強戰不
能克皆其智勇也况骨肉親侄縱有罪亦當宥之上乃止後又欲廢
之后又極諫得不廢李文忠守嚴州楊憲言其不法事上欲召還后
曰嚴州臨敵境不宜輕易將且文忠素賢憲言未可遽信上悟遂止
文忠卒克杭州成犄角之功吳興民沈萬三家富敵國上欲殺之后
諫曰彼固富未常犯法奈何殺之救之甚切遂得不死流雲南后嘗
謂帝曰法屢更必弊法弊則姦生民數擾必困民困則亂生上以為
至言命女史書之於冊或言宋仁厚太過者后曰過仁厚不猶愈於
刻薄乎至是病不肯服藥太祖彊之終不肯服曰生死有命雖扁鵲
何益使服藥而不瘳上寧不以妾故而殺此諸醫乎妾不忍其無罪
而就死地也上曰第服之萬一無效吾當為汝貸之后終不服藥而

崩年五十一太祖痛悼終身不復立后

璘按帝太宗明太祖皆以武功定天下而皆得賢后助之焉太宗行仁義既效尤能保全功臣固未易比擬高皇后之德實與長孫后同其平日嘉言懿行可為天下後世法然高皇后一傳徐皇后克嗣徽音長孫后一傳而武才人幾危社稷有幸不幸也

雲南復平

九月葬孝慈皇后於鍾山孝陵○雲南土官楊直等復叛冰英調眾

捕勦之斬首六萬餘級生擒四千餘人諸部悉定雲南復平○詔選

高僧入侍諸王命道衍往燕王府任持慶福禪寺

姚光孝蘇州人祝髮相城妙智菴改名道衍字斯道時相城靈應觀道士席應真者讀書學道法兼通兵機道衍師之盡得其術然深自晦藏人無知者已而至京口賦詩曰燕雀年來戰血乾烟花猶自半凋殘五州山近朝雲亂萬歲樓空夜月寒江水有潮通鐵甕野田無路到金壇蕭梁事業今何在北顧青

道汝薄南朝矣既而泐薦衍往燕在博嘗遊嵩山寺袁珙見之曰目

三角影白形如病虎性必嗜殺他日劉秉忠之流也靖難兵起皆其

贊成由僧錄司左善世拜太子少師輔導東宮復其姓名然竟不著

髮賜宮人不受常居寺院卒追封榮國

公諡恭靖配享太宗廟○宗泐天台人

吏部引見經明行修之士鄭韜等三千七百餘人賜鈔人一錠各遣

歸○徵耆儒崇德鮑恂上海全思誠吉安余銓高郵張長年入見年

皆七十餘賜坐顧問者久之並命為文華殿大學士恂等固辭上曰

免卿早朝日晏而入恂等復以老疾辭放還○置諫院官以耆儒劉

靜開賢為左右司諫庶子趙肅何顯周為左右正言○置殿閣學士

以禮部尚書劉仲質為華蓋殿大學士翰林院學士宋訥為文淵閣

大學士檢討吳伯宗為武英殿大學士典籍吳沈為東閣殿大學士

宋訥字仲敏滑人父壽卿仕元封魏國公諡忠肅訥學問該博有造詣洪武十三年徵為國子助教遷學士後為祭酒吏部尚書余愾不喜訥逐之去上聞遂誅愾上嘗曰宋祭酒骨格必壽卒於官年八十

故事文臣四品無給喪費者給自訥始又令沿途有司祭訥○吳伯宗洪武四年狀元○吳沈字濬仲金華人國初縣學訓導薦○十二

入翰林時撰千家姓沈為表以進屢陞屢貶以侍書致仕○十二

月吳沈薦方孝孺學行召入見上曰此壯士當老其才用之遣還鄉

○孝陵成封都督李新為崇山侯○設都察院以詹徽林駟為監察

都御史

癸亥十六年春正月以宋納為國子監祭酒曹國公李文忠領國子
監事時太學中多公侯子弟故○吳沈等承制編敬天忠君孝親三
事為書上之賜名精誠錄

二月傅友德等平蒙化府鄧川州破佛光砦過金沙江攻北勝府擒
故元平章隔生乎麗江府平津等州前後斬首一萬三千餘級蠻民
降者四十萬戶上命傅友德班師沐英留鎮雲南

沐英留鎮雲南

秋七月遣御史錄囚於諸省○冬十月殺刑部尚書開濟○高麗國
王顯使張伯崔清來貢却之命禮部論其王按朝鮮箕子封國秦遼
東外徼漢初為燕衛滿
所據武帝取為真番臨屯樂浪玄菟四郡漢末為公孫氏所據魏滅
公孫晉并於高麗高麗本扶餘別種至高麗居平壤即樂浪地已而
東徙鴨綠江後唐時王建代高麗并有新羅百濟又徙東松岳以平
壤為西京子孫遣使朝貢宋遠金歷四百餘年元至元中兩京內附
置東寧總管府其國東西南濱海北障女直西北至鴨綠江東西二
千里南北四千里分八道俗柔謹知文字喜讀書崇釋尚鬼惡殺帶
折服巾服大袖衫男女相悅為婚死三年始葬飲食用俎豆官吏閱
威儀居皆茅茨衣多麻苧以田制俸以杭釀酒法無苛條刑不慘責

山川九都神嵩海鴨綠江為大產金銀鉄水晶鹽細苧布白確紙狼
尾筆果下馬長尾雞貂豹海豹皮八梢魚昆布杭黍榛松人參茯苓
之屬洪武初奉表朝貢不絕至是以其違約論責之○安陸侯吳復卒於貴州追封黔國公塑
像於功臣廟鞏昌侯郭興卒追封陝國公典初與滁陽王同名故止
名典以別之典父山甫善
鑒人太祖微時嘗過之山甫驚異具饌與交惟酒酣拜跪於前具
陳天表之異他日貴不可言幸勿相忘太祖既去山甫語其子曰吾
視汝曹皆可封侯今始知此公之貴汝曹宜謹事之復以女入侍後
為寧妃孝慈皇后崩如嘗攝六宮事山甫卒追封榮國公次子英封
武定侯德成
為驍騎指揮

十二月初令儒學歲貢生員
甲子十七年春正月以孔子五十七代孫納襲封衍聖公

初令歲貢生員

二月更定都察院官制國初御史臺從一品設御史大夫中丞侍御
史等官洪武十五年改為都察院正七品止設監察御史至是定為
正二品衙門以詹徽為左都御史

三月頒行科舉成式凡三年一大比八月初九日頭場試四書義三

頒行科舉成式

經義四四書義主朱子集註經義詩主朱子集傳易主程朱傳書主
蔡傳及古註疏春秋主左氏公羊穀梁胡氏張洽傳禮記主古註疏
十二日二場試論一判語五詔誥表內科一十五日三場試經史策
五會試以二月○曹國公李文忠卒上痛悼輟朝親為文以祭追封
岐陽王謚武靖賜葬鍾山配享太廟塑像於功臣廟位皆第三
文忠人父貞母太祖之長姊也生文忠年甫十二而母卒元末淮南北盜起貞携文忠走鋒鏑間幾不能活後聞太祖起兵滁陽往投之至則相抱而哭文忠奉太祖衣而戲太祖曰外甥見舅如見娘也自延師命文忠與任文正同讀書習兵法俾以舍人從軍破陳友諒為諸軍冠洪武元年封貞為恩親侯食祿奉朝請太祖念貞醇謹每有証行輒令守宮省文忠父子受腹心重寄親厚無與比開平王卒文忠代領其眾與大將軍合兵征討多建奇功至是卒年四十六父貞初亦封曹國公別食公祿先卒贈陞西王謚恭獻文忠子二人長景隆襲封次增枝建文時景隆為大將軍拒靖難兵庸劣無能以開金川門迎文皇功復用事後削其勲階籍沒家產至永樂末年景隆凍餓而死增枝猶在恩例聽其自便嘉靖中繼六王後封其玄孫李性為臨淮侯○六王中山武寧王徐達開平忠武王常遇春岐陽武靖王李文忠黔寧昭靖王沐英寧河武順王鄧愈東甌襄武王湯和

夏四月傅友德等班師至京論平雲南功進封友德為寧國公封郭英為武定侯胡海為東川侯陳植為普定侯張翼為鶴慶侯並賜鐵券子孫世襲仇成張龍王弼先已有功封侯吳復金朝興先卒俱授世襲侯爵鐵券加祿請同餘陞職賜金帛在差

九月超擢考滿官員河南懷慶府通判戴蕪湖廣都司劉斷事高翼陝西靜寧州判官元善俱為金都御史東昌府教授馮獻為左贊善

○江寧處士陳遇卒

遇字中自曹縣人元末為江東明道書院山長扁所居之室曰靜誠人稱靜誠先生國初太祖以書聘之曰先生世居江左名德鬱然才兼文武昔湯文徵伊呂先主聘孔明予不敢以前王自期先生當以伊呂孔明為法助成大業列爵胙土與國始終豈不偉與拱埃車塵以展素蘊既見與語大悅運籌帷幄日見親信三幸其第咨以機密每稱先生而不名授以官輒辭嘗命為翰林學士者再又命為大常卿為禮部侍郎最後除禮部尚書皆固辭上曰士有志節者不以功名開懷朕不彊卿以成卿之名也自是每燕間輒召入賜生咨以大計賞賚無筭賜肩輿一衛士十人昇其出入羣臣被譴者率為救解上諒其誠多所全釋嘗命其子克宿衛對曰臣三子皆幼侯其成立圖補報太祖悅賜兼金對衣當是時尊禮優異公侯卿大夫無敢望者至是卒遣官賻祭加東

處士陳遇卒

園祕器賜葬鍾山子恭永樂中官至工部尚書文章政事克世其家

冬十月命秀才宋矩等十七人為監察御史

幽早世職知

十一月以孔子五十六代孫希文為曲阜世職知縣○十二月待詔朱善請弛舅姑兩姨子女婚制宗從之

乙丑十八年春正月福建按察使陶垕奏布政使薛大方貪暴

大方誣訐垕仲俱逮問事白大方得罪垕仲還官閩人拜迎相謂曰

陶使再來天有眼薛公不去地無皮後卒于官垕仲以子生擢御史○二月

初昏五星竝見○錄軍國重事太傅魏國公徐達卒達自北征還即

命沿邊輯守每歲盡召還上將印自去冬還疾作至是卒年五十四

上痛悼罷朝至達寢撫屍而慟親為文祭之追封中山王謚武寧賜

葬中山手書其功於墓道配享太廟塑像於功臣廟位皆第一子四

人皆上所賜名長輝祖襲封魏國公次添福勳衛次增壽左都督次

應緒都與女四人長文皇后次安王妃次代王妃達受券誥免

死令佩大將軍印鎮北平歲盡則召還每宴見歡飲嘗曰徐兒功大

未有寧止欲以吾吳時舊邸居若達固謝不敢一日召夜飲溫煖以

酒既醉覆以被命內侍昇卧吳邸正寢中夜酒醒問曰此何處內侍

曰舊內也達大驚即趨階下稱死罪四拜三叩頭而出上聞之大喜

自後疑忌漸釋初達南征至姑蘇見一絕色女子以重幣結之曰不

即納當為後期既而悔之令人道意使他適其父堅求以女侍巾櫛

達不從更遺金助其粧資以謝負約其盛德類如此

會試天下貢士取黃子澄第一練子寧次之殿試丁顯第一子寧次

之子澄又次之丁顯建陽人黃子澄名混分宜人建文朝與齊泰議

不奏聞後為文皇所誅練子寧名安新淦人廷試對策極言近日用人狗其名不求不實以小善驟進以小過輒戮因歷陳古人所以教

養任用之道言甚切直上親擢第二後建文朝靖難兵起子寧數言李景隆姦邪懷異志請誅之不從文皇即位子寧被殺夏四月命信國公湯和江夏侯周德興往征思州及五開諸間蠻湯和等分屯勦捕俘斬四萬餘人師旋周德興卒○上諭湯和曰日本小蠻屢擾東海卿年老強為朕行視要地築城增戍以固守和行海

上築數十城民四丁取一為兵以守之○時戶部侍郎郭桓等盜官糧七百萬石有奇詞連天下諸司官吏繫獄論死者數萬人招指贓鈔寄借滿天下被指者皆至破家御史余敏丁廷舉言法司偏令桓等妄指平民皆歸謫朝廷於是將審刑官吳庸等凌遲處死戶部侍郎郭桓王王道富兵部侍郎王志刑部尚書王惠迪工部侍郎麥志德書趙瑁等各官吏盡誅之以息天下之謗是月吏部尚書余仁已坐他罪先誅

冬十月命蜀王閔武於中都太祖第十一子名椿最有賢德太祖所以讀書自娛閔武之暇召儒臣李叔蘇伯衡及名僧來復輩講道論文殆無虛日命來復作正心觀道崇本敬賢四箴以自警按來復字見心豫章人通儒術工詩文與宗泐齊名所著有蒲菴集行世見心嘗承召賜食謝詩云祇園花雨曉吹香手挽架染近御床闕下彩雲生雉尾坐中紅弟動龍光全盤蘇合來殊妙王盃醒酬出尚方稠疊濫承天上賜自慙無德頌陶唐是謂朕無德雖欲以陶為友朱耶又言無德頌陶唐是謂朕無德雖欲以陶唐頌我而不能也何物奸僧敢大膽如此遂誅之

丙寅十九年春二月置行人司○賑河南饑○秋八月六安侯王志卒追封許國公志臨濠人以平定中原功封侯卒子威嗣謫安南衛指揮○冬十二月頒大誥三篇於天下笞杖徒流罪減一等誣者加一等

丁卯二十年春正月大祀天地於南郊○詔修闕里孔子廟

二月耕籍田○命宋國公馮勝為大將軍穎國公傅友德為左副將軍永昌侯藍玉為右副將軍南雄侯趙庸定遠侯王弼為左參將東川侯胡海武定侯郭英為右參將率師三十萬征納哈出復遣前所獲納哈出部將乃刺吾往諭降

三月馮勝等出松亭關築大寧寬河會州富峪四城○夏六月勝等趨金山時乃刺吾還至松花亭納哈出見之大驚曰爾尚在乎乃刺吾告以廟廷遣還之意納哈出喜令其左丞劉探等至大將軍前獻馬時臨江侯陳鏞所部與大將軍異道相失陷敵死之初納哈出分

其兵爲三營一在榆林一在養鵝庄一在龍安一禿河人畜輜重過於元主至是計窮乃刺吾勸之降遂遣使納款勝遣藍玉受之納哈出詣玉降玉與飲甚相歡解衣衣之納哈出不肯服鄭國公常茂在坐直前搏之納哈出驚起就馬茂拔刀砍之傷臂不得去所部妻子將士十餘萬在松花河北聞納哈出被傷遂驚潰餘衆欲來追勝遣降將觀童往諭之於是降者四萬餘人羊馬駝驢輜重亘百里勝遣使奏捷并奏常茂驚潰降衆遂班師悉以納哈出所部降人南行納哈出降衆聞大軍還以其衆俱行甚恨乃設伏於途欲俟大軍過而邀之都督濮英將三千騎後至伏發英馬蹶被執英絕食不言乘間剖腹而死

秋七月禮部請如故事立武學建武成王廟上曰太公宜從祀帝王廟其武成廟罷之○定親王歲祿五萬石○真臘國貢象及香

真臘木扶

南屬國一名占臘在東海中隋朝始通中國唐神龍中并扶南而國分爲二其南近海多陂澤爲水真臘北多山阜爲陸真臘後復合爲一宋宣和初封爲真臘國王慶元初破占城立其國人爲占城王遂爲屬國又有參半真里登流眉蒲甘等國皆屬真臘其俗尚華侈東向爲上右手爲潔王二日一視朝婚娶燃燈不息產銅金諸香象翠羽洪武六年來貢至是其王黎列保昆邪遣使貢象五十九隻香六萬斤

八月封何真爲東莞伯賜鐵券子孫世襲○宋國公勝械常茂至京茂勝之婿也勝每於衆中折辱之茂不能堪及納哈出降而衆驚潰勝歸咎於茂奏之茂至陳所以降納哈出之故上曰如爾言勝亦不得爲無罪命收其總兵官印令藍玉代之

九月封都督張赫爲航海侯子孫世襲赫先以軍功歷陞都督命督遼東海運每歲一行折衝風波勤勞備至軍食賴之同時有都督朱壽者亦以督運有功封舳艫侯食祿世襲與赫同

納哈出至京封爲海西侯所部官屬授職有差皆食祿不任事分

雲南兩廣福建各都使司處之○冬十月罷馮勝歸鳳陽

永城侯薛顯卒追封永國公○十二月命永昌侯藍玉為大將軍延

平侯唐勝宗武定侯郭英為左右副將軍都督耿忠孫恪為左右參

將率兵討殘元○晉府長史桂彥良卒

麟按洪武朝類多名將而相業無聞焉陶安張溢卒於國初未展其蘊欲相劉基而基又不肯引為已任迨胡惟庸之後革中書省置殿閣學士不遇以儒臣備顧問而已彥良入侍大本堂明祖即知其為帝者師夫漢武不知董仲舒一使之相江都再使之相膠西明祖知彥良者乃竟以晉府長史終其身蓋君臣相遇之難有如此

戊辰二十一年春正月命賴國公傅友德統蕃漢大軍征勦雲南諸

蠻○二月詔以歷代名臣從祀歷代帝王廟

風后力牧皋陶夔龍伯夷伯益伊尹傅說周公旦召公奭太公望召虎方叔張良蕭何曹參陳平周勃鄧禹馮異諸葛亮房玄齡杜如晦李靖李晟郭子儀曹彬潘美韓世忠岳飛張浚

水華黎博爾忽博爾木赤老溫伯顏凡三十七人○故元四大王來降命隨沐英戍守雲南○三月平

緬蠻舉衆三十萬戰象百餘寇定遠沐英自將精銳二萬人往討之

旬餘方抵其營遣都督馮誠以輕騎三百挑之賊驅萬眾乘二十象

來戰誠殺賊數百人獲一象而還英曰吾知賊不足破也乃下令多

置火鏡神機箭分將士為三行彼象近則前行之銃箭齊發若象未

退則第二行銃箭繼之第三行又繼之象必反走然後以大軍乘之

約束已定明日賊果驅百象來戰象皆披甲背負箭樓若欄楯然兩

旁夾大竹筒置鏢鎗其中英命馮誠居前甯正居左湯昭居右兩陣

既交象為前列官軍火箭砲連發山谷震動象皆反走蠻酋昔刺

有勇力殊死戰英登高望之左師少却命左右取帥首來左帥遙見

一人拔刀飛騎而下麾眾復前鏖戰移時賊大敗斬首三萬餘級生

擒七十四象餘象皆死自是諸蠻警服不復反矣

廷試賜任亨泰等進士及第出身有差亨泰襄陽人命有司建狀元

坊以旌之奉旨建坊自此始○東莞伯何真卒上親為文遣使祭之

子榮襲爵○夏四月藍玉等率師自大寧進次慶州聞元主脫古思帖木兒在捕魚兒海間道兼程去捕魚兒海四十里命穴地而費母令敵望見烟火遂至海南飲馬偵知元主在海東北八十里玉以王弼為前鋒直薄其營元主不設備又大風揚沙晝晦軍行皆不知太尉蠻子倉卒拒戰擊殺之其眾皆降元主與太子天保奴知院捏怯來丞相失烈門數十騎遁去玉率精騎追千餘里不及獲其次子地保奴等六十四人及故太子必里禿之妃并公主等五十九人又追獲吳王朶兒只代王達里麻平章八蘭等二千九百九十四人軍士男女七萬七千三十七口寶璽圖書牌面一百四十九宣敕照會三千三百九十道金印一銀印三馬四萬七千匹駝四千八百四頭牛羊十萬二千四百五十二頭車二千餘輛各籍數入奏聚其甲兵悉焚之遂班師

五月都督張銓以從征東川蠻有功封永寧侯

子孫世襲指揮使

秋七月贈故金山侯濮真為樂浪公○藍玉遣人送元主次子地保奴及后妃公主等至京師人有言玉私元主妃者上大怒妃聞之自縊死尋送地保奴於琉球

璘按史不言何人告玉私元妃而但曰人有言者當知其無是人也功高不賞震主身危信然

八月藍玉等還朝上責玉曰汝亂元主妃又遣人入朝覘伺動靜今屈法宥汝玉頓首謝賜玉等白金鈔錠文綺有差○安慶侯仇成卒追封皖國公○九月傅友德等率兵討阿資於普安生擒一千三百餘人沐英遣都督寧正從友德擊阿資大敗之阿資遂降

冬十月進封永昌侯藍玉為涼國公孫恪為全寧侯

初擬玉梁國公以被譴改封

國公仍鐫其過於券○以庶吉士解縉為監察御史縉嘗草封事萬言以進無所忌諱上嘉之時都御史袁泰不法縉歷詆其姦狀上慮縉少涵養

將為眾所傾召其父至諭之曰才之生甚難而大器者晚成其以爾子歸益進其學又諭縉曰後十年來朝大用爾未晚也縉江西吉水人與兒論同

縉俱為庶吉士太祖崩縉奔喪被劾謫河州衛吏建文初召為翰林學士靖難後成祖召縉備顧問入內閣辦事時縉位未定成祖召縉密議縉言立嫡以長又言好聖孫成祖遂立世子為皇太子封高煦

為漢王煦怨縉未幾用兵交趾縉力言交世羈縻之國不宜動勞王師又言不宜過寵漢王成祖怒出縉廣西參議李至剛奏縉怨望改交趾成祖北征縉入奏事見東宮而還高煦乘隙譖縉縉上遠出覲

儲君無人臣禮成祖下縉獄三年死獄中四十七初仁宗在東宮失成祖之歡廷臣莫敢進言適成祖出虎顧眾彪圖令縉題句縉詩云虎為百獸尊誰敢觸其怒惟有父子情一步一回

顧成祖見詩大有所感即命夏原吉迎太子於南京 ○以卓荦為給事中時諸王服飾有擬太子者敬乘間言於上曰陛下於諸王不早

辨等威而使服飾與太子埒尊卑無序何以令天下上曰卿言是也

卓敬字惟恭浙江瑞安人年十五讀書寶香山風雨夜歸迷失道得一兒牛憑之歸入門乃黑虎也登洪武二十一年進士歷官戶部侍郎

十二月安南黎季犛殺其主煒立叔明子曰焜

己巳二十二年春正月改太宗正院為宗人府以秦王為宗人令

二月禁武臣不得與民事 ○以魏敏等八十一人為給事中

夏四月置詹事府秩正三品 ○以兀良哈之地置朵顏太寧福餘三

衛兀良哈山戎也歷代為渾莫奚契丹至是朵顏元帥等各差人來朝願為外藩詔以其地置三衛自全寧抵喜峯近宣府曰朵顏衛

白錫義歷廣寧至遼河曰泰寧衛自黃泥窪踰瀋陽鐵嶺至開原曰福餘衛以其酋長為指揮等官

秋七月元也速迭兒弒其主脫古思帖木兒立坤帖木兒初元順帝祖於應昌

國人諡曰惠宗太子愛猶識理達臘立即位十一年而祖諡曰昭宗次子益王脫古思帖木兒立九年蓋王北征益王走至也速迭兒之地為其部下所弒係屬奔散不能自立所稱小王子即元裔也

冬十二月徵士梁寅卒寅字孟敬臨江人仕元為集慶路儒學訓導洪武間徵寅議禮禮書成將授職寅以老病

因辭歸結屋石門從學者稱梁五經者有周易參議詩書演義 ○南

史會通源卒 通源巢縣人號國公通海之弟也巢湖歸附洪武

人子成桂廢昌而立院君王瑤主國事

庚午二十三年春正月命晉王燕王分道伐故元○二月命涼國公

藍玉討西番敗其衆於大渡河○三月燕王至迤都元太尉乃兒不

花丞相咬住忽哥赤知院阿魯帖木兒等皆降詔乃兒不花等入朝

獻銀印金牌并所受元宣命以乃兒不花為留守中衛指揮使阿魯

帖木兒為燕王中護衛指揮咬住為副都御史忽哥赤為工部

○夏四月除百官期年奔喪之制舊制遇祖父母伯叔兄弟沒皆得奔喪至是止許遣人致祭

賜韓國公李善長死先是善長坐他累削祿一千石會石星變其占

為大臣當災時太祖大殺京民之怨逆者善長請免其親戚數人上

怒遂命刑部尚書楊靖肅清逆黨除李善長外連坐豫章侯

臨江侯陳德淮安侯華雲龍六安侯王志管陽侯楊璟永嘉侯朱亮

臨江侯陳德淮安侯華雲龍六安侯王志管陽侯楊璟永嘉侯朱亮

王國用

祖汝南侯梅思祖河南侯陸聚宣德侯金朝興宣

薛顯都督毛驥陳萬亮耿忠於琥凡殺功臣十九家林連甚衆按李善長

賜死之明年工部郎中王國用為之稱寃奏言善長與陛下同心出

萬死以取天下勲臣第一生封公死封王男尚公主親戚拜官人臣

之分極矣富貴無復加矣藉令自圖不軌猶未可知而今謂其欲佐

惟庸則大謬不然夫人情愛其子必甚於兄弟之子安享萬年之富

貴必不使倖萬一之富貴善長於惟庸則猶子親耳於陛下則親子

女也使善長佐惟庸不過勲臣第一太史國公封侯封王尚主納妃

而已矣寧復有加於今日且善長豈不知天下不可倖取當元季欲

為此者何限莫不身為塵粉覆宗絕嗣能保首領者幾何人善長身

親見之乃肯以衰髦之年以身蹈之凡為此者必有深仇急變大不

得已而後父了之間或至相挾以冀免禍今善長子祺備陛下骨肉

之親無纖芥之嫌何苦而忽為此若謂天象告變大臣當災則尤不

王國用

明太祖

七

日不答一語或與論三教經書則吐辭滾滾皆本道德忠孝所喚升
斗輒盡或不食數月其行如飛隆冬解臥雪中洪武十四年道士丘
玄清遇之求為弟子三丰使居五龍巖而自結草菴於展旗峯北洪
武二十三年不知所往至是太祖遣三山道士請三峯造朝了不可
得召丘玄清至與語大悅拜監察御史賜之室固辭不受超擢太常

卿按三丰在揚州詠瓊花詩以自况云瑤枝玉樹屬仙家未識人間
有此花清致不沾凡雨露高標猶帶古烟霞經年既久何曾老舉
世無雙莫浪誇便欲載回天上去擬從博望借靈槎自後遂不復見
永樂間累使致書求之書稱皇帝敬奉書真仙張先生足下全文見
雙槐歲抄仍命給事中胡

秋八月詔宋國公馮勝還鄉勝初與兄國用皆驍勇有智畧國用初
生時黑氣滿舍若烟霧經日不散里中

異之淮南兵起太祖畧地至妙山國用與弟來謁太祖大悅遂置左
右預機密取太平破陳也先獲之復破也先之子兆光進大元帥為
卒勝為都指揮使屢有戰功歷官右都督從大將軍北征克汴梁
全陝又破王保保破吐蕃封宋國公賜諡券十餘年間內除朋族
患外建瓜牙之勳平定中原佐成一統出鎮陝西定甘肅破納哈
因與其婿鄭國公常茂不睦茂訐勝過太祖收其大將軍印遣

陽時時失意於太祖至洪武二
十八年以暴卒聞子孫停襲

冬十月命劉基之孫薦襲封誠意伯賜鐵券薦江西參政
璉之子也

命耆儒錢宰等修纂書傳及孟子節文先是上以蔡沈書經註間有

誤處孟子草芥寇讐之說非臣子所宜言故有是命凡孟子中不以

尊君為主者皆刪去初太祖欲去孟子配享詔有諫者以不敬論且

命金吾射之刑部尚書錢唐抗疏入諫輿櫬自隨祖胸受箭曰臣得

為孟軻死死有餘榮上見其誠懇命太醫院療其箭瘡而孟子配享

得不廢錢宰臨安人被徵至京修尚書註孟子節文與諸儒同館宰
微吟曰四鼓蓁蓁起着衣午更朝見尚嫌遲何時得遂田園

樂睡到人間飯熟時察者以聞次日日上坐文華殿召諸儒諭之
曰昨日好詩然朕未嘗嫌汝汝不用憂宰等驚惶請罪尋放歸○十

二月航海侯張赫雄武侯周武卒赫以藍黨追戮停襲武年
九十善終子與襲指揮

辛未二十四年春正月命都督劉真創立甘肅城池操練軍馬提調

屯種○二月改封豫王桂為代王漢王楨為肅王衛王植為遼王○

祖胸受箭

三月廷試賜許觀等三十一人進士及第出身有差許觀即黃觀貴池人○故

元遼王阿札失里屯朶顏山勅燕王命傅友德郭英總兵討之師至

哈者舍利王友德遽下令班師元人以為然越三日復起師深入至

黑嶺雅山次洮兒河獲其人馬甚多還至金鞍子山復征黑嶺寒山

進至磨鍊子海打蘭尖山追札都遂征黑松林之北野人所居熊皮

山追達達阿刺罕掩襲其眾大獲人馬而還傅友德從常遇春擊陳友諒功最多於是南征

北討建立殊勳遣還鄉里復令總山西河

南兵馬屯出未幾以暴卒聞于孫停襲陳建曰太祖功臣首稱六王然以傳賴公較之猶在寧河東甌之

上與開平岐陽比肩奈何卒累黨禍襲封無聞其後六王之裔咸

復侯封而無人為賴公訟者惜哉

秋七月以貢士彭友信為北平布政使友信以貢至京師遇上微行

線兩條和雲和雨繫天腰命友信續之占虹霓詩二句云誰把青紅

里長空駕綵橋上大悅問其籍命翼辰侯於竹橋同入朝友信如舊

侯久不至遂入朝上召問故具以實

對上曰此秀才有學有行遂授是職

八月命皇太子巡撫陝西○命都督宋晟劉真統兵征哈密擒其三

子別列怯幽王桑里失哥知院岳山等殺其國公阿朶只俘其眾千

三百人悉送京師

冬十月南豐縣典史馮堅上言九事擢堅為都察院右僉都御史堅

九事一曰頤養聖躬二曰慎擇老成三曰撥彘狄四曰精選有司五

曰褒封祀典六曰減省宦官七曰調易邊將八曰採訪廉能九曰增

置闕防書奏上曰所言知時務達事變但調易邊將一說未必然若邊

將數易則兵之才力勇怯寇之出沒情狀山川形勢險阻不能熟知

何以制敵然堅之言閉於正體者多是可嘉也○十一月命景川侯曹震往四川治道路震

至瀘州按視有支河通永寧界乃鑿石削崖直接其地以通漕運復

開陸路作驛舍郵亭駕橋立棧自茂州一道至松潘一道至貴州以

達保寧通陝西由是往來便之

壬申二十五年春正月命都督俞通淵統貴州辰沅各衛軍征古州

諸蠻以次平復○靖江王守謙卒

明太祖

守謙南昌王之孫文正之子也文正有罪謫死桐城上有守謙於

中卽長傳之靖江聞其不法召回使居鳳陽力田久之復爵鎮雲南
奢縱如故安置鳳陽復橫恣召回答而禁錮之以其長子贊儀爲世子
○二月高麗李成桂幽其主璠而自立

夏四月皇太子薨諡曰懿文○命涼國公藍玉征罕東西戎部落○命都

督聶緯討建昌叛酋月魯帖木兒○五月南安侯俞通源平蠻回京

進封越雋侯賜鐵券子孫世襲○六月西平侯沐英卒上哭之慟輟

視朝親製文遣使祭之追封黔寧王諡昭靖配享太廟仍肖像於功

臣廟沐英鳳陽定遠人父母早亡太祖收爲子既長機穎過人初與

李文忠等俱賜國姓名文英從征代侍帷幄日夜勤勵後歸其

姓沐單名之曰英拜鎮國將軍屢立奇功復爲征西將軍獲元部落

平之又以征南副將軍同傅友德平雲南留鎮之英爲人寬洪大量

識明見高謀深慮遠臨事果斷賞罰明信行兵如神有功不伐居貴

不驕凡得所賜幸給士卒故能得其死力其鎮雲南也嘗官僚修恣

政剔姦蠹釐宿弊恩威並著教化大行雲南遂爲樂土至是以哭皇

太子過哀失聲而卒年四十八詔其喪歸葬觀音山英五子一子早

卒三子通鎮雲南少子昕尚文皇帝公主掌南京都督府卒于京

襄侯春者英長子也少有才武繼鎮雲南洪武三十一年卒無子

晟嗣永樂時屢立戰功諸蠻畏威懷德賜券玉帶金幣寶鈔

詩以褒之仁宗卽位召還加大傅遷鎮宣宗英宗賞亦如之以行

川思在發還至楚雄疾卒追封定遠王晟子斌幼不能將弟昂佩印

代鎮與靖遠伯王驥討麓川平之卒益武襄贈定遠伯斌嗣封卒子

琮幼以仲兄璘有才嗣之卒弟贊代鎮十五年而琮始嗣卒以璘之

係都指揮誠之子崑嗣朝議以崑爲西平侯之裔孫當從侯爵守臣

爭之謂南人知黔國公不知有西平侯也侯之恐爲所輕崑年十四

而拜公爵平岐山竹箐蠻又平米魯三賜璽書獎諭卒子紹勳嗣卒

子朝輔嗣卒二子融聲告歿朝輔之弟朝弼嗣不守法度屢拒王

命詔削其爵以其子日祚嗣逮朝弼入京錮於西平故第以幽死○

選秀才張宗濬等隨詹事府左右春坊分班入直華蓋殿侍講畢近

前說民間利害田里稼穡兼陳古今孝弟忠信文學材藝之事日以

爲常○秋七月岢嵐州學正吳從權山陰教諭張恒給由至京上問

民間疾苦皆以守職在學於民事無知對上曰宋儒胡瑗爲蘇湖教

授其教諸生皆兼時務治民治兵水利算數等事當時得人由其教

授有法汝言平日在學於民間無知則所教何事其竄之極遽以示

天下學校使爲鑒戒○琉球中山王察度遣子弟來學於國子監上

喜禮遇獨優琉球在海東南自福建梅花所開洋順風七日可到漢

魏唐宋不通中國隋嘗遣兵擄其男女五千口元遣使

明太祖

羊丁世中頁編卷一百一十七

招諭不從洪武初國分爲三中山王察度山南王承宗山北王柏死
芝皆遣使朝貢其俗以盈虛爲晦朔草木爲冬夏人皆去髭鬚手髯
冠毛衣無禮節好剽掠既學於中國習俗稍蠻

○八月葬懿文皇太子
子○殺靖寧侯葉昇以舊爲胡惟庸黨也○九月立嫡長孫允熒爲

皇太孫以修撰黃子澄兼少詹事侍東宮講讀立皇太孫卽以子澄
侍東宮此靖難兵所

由起
也○時朝廷訪求通曉曆數推往知來試無不驗者必爵及封侯

食祿千五百石山東監生周敬心上疏其畧曰國祚修短在德之厚

薄非曆數可定陛下但當修德則皇祚可傳萬世何必問諸小技之

人又言陛下連年遠征臣民萬口一辭皆知有耻不得其傳國寶欲

取之耳臣聞傳國寶出自戰國楚平王時以卞和所得之玉琢之秦

始皇名曰御璽自是以來歷代珍之易曰聖人之大寶曰位何以守

位曰仁是知仁乃人君之寶玉璽非寶也且戰國之君趙先得寶而

國不守五代之君皆得寶皆不旋踵而亡蓋徒知玉璽之爲寶而不

周敬心

仁乃人之寶

徒善徒法

知仁義之爲寶故也天下治安享國長久者莫如三代之時未

有玉璽是知有天下者在仁義而不在玉璽亦明矣今爲取寶使兵

革數動軍民困苦是忽真正之大寶而易無用之小寶也聖人智出

天下明照萬物何乃輕此而重彼愛彼而不愛此邪又言方今力役

繁難戶口雖多而勞民者衆賦歛過厚倉廩雖實而民窮者多教化

溥矣而民不悅所謂徒善也法度嚴矣而民不服所謂徒法也昔者

汲黯言於漢武帝曰陛下內多欲而外施仁義柰何欲效唐虞三代

之治乎方今國則願富兵則願彊城池則願高深宮室則願壯麗土

地則願廣人民則願衆於是多取軍士廣積錢糧征伐無虛日土木

無已時如之何其可治也又言洪武十二年欽錄天下官吏十三年

連坐胡黨十九年起天下積年民害二十三年大殺京民不分臧否

一槩殺之豈無善人君子誤入名項之中方今水旱連年未臻大稔

未必不由殺戮無辜感傷和氣之所致也疏奏北征之議稍息按菽園雜記云此疏三千餘言若通鈔法慎刑賞罷克軍等事皆切時弊直言極諫何其壯哉

以方孝孺為漢中府教授蜀獻王聞其賢命世子受學名其讀書之

廬曰正學孝孺字稱古台州寧海人父克勤知濟南府有異政孝孺雙眸炯炯讀書十行俱下鄉人呼為小韓子從宋濂游一時名士盡出其下洪武十五年以吳沈薦召見試靈芝甘露論上每面試舉子輒親定其高下注選至孝孺獨不注日異人也今非用孝孺之時乃

除是職○高麗權知國事李成桂請更國號命咬為朝鮮○建昌

士官月魯帖木兒叛命涼國公藍玉越雋侯俞通淵將兵討之玉遣

百戶毛海誘致月魯帖木兒檻送京師遂於邛部州築城置越雋衛

鎮守其地

癸酉二十六年春正月中軍都督事徐司馬卒司馬上賜名字從政揚州人北歲棄

道帝太祖收養之呼為馬兒既長出入侍左右征行守禦有功歷陞都督僉事司馬好文學謙恭下士浙江河南尤著惠政退居一室然如韋布之士及卒家無餘貲人稱賢將云○按太祖初起時多養子每郡邑下輒遣養子出守蓋二十餘人而昭靖王功最大又

何文輝者滁人初名道舍守宣城潼關成都北平鴈門從征淮東蘇福建陝西四川尤有功文輝攻建寧降之主帥胡廷瑞欲屠其城文輝曰吾與公奉命安百姓乃以私忿殺人耶遂止有朱文遜者從定江左淮南有功授元帥拒漢兵戰死有朱文剛者初名柴舍從定江左授元帥與耿再成守處州時苗帥變文剛急收兵出戰揮劍砍賊大罵而死

二月錦衣衛指揮蔣嶸告涼國公藍玉謀反捕玉磔於市誅三族併

誅鶴慶侯張翼普定侯陳桓景川侯曹震舳艫侯朱壽南雄侯趙庸

會寧侯張溫潘陽侯察罕都督黃恪蕭用吏部尚書詹徽侍郎傅友

文等凡功臣文武大吏及玉舊部曲偏裨坐黨死者二萬人株連籍

沒死徙者數百千家

夏四月太白經天京師大旱○秋九月頒大成樂器於天下令有司

如式製造以祀孔子○冬十一月封皇子棣為谷王以劉璟為長史

提調燕代肅遠慶寧六王府事

甲戌二十七年春二月定行人司為正七品行人為正八品凡設官

四十員先是行人多用孝廉人材至是以進士爲之凡賞捧詔勅奉使外爨諭勞賞使祭祀徵聘賢才賑濟飢荒整點軍馬等事則遣之非奉旨不得擅差

三月廷試賜張信等進士及第出身有差信浙江寧海人○秋九月青州府

日照縣民江伯兒以母病割脇肉食之不愈禱於岱岳祠誓云母病

愈則殺子以祀既而母病愈竟殺其三歲子祭之有司以聞上曰父

子天倫至重今賊殺其子絕滅倫理亟捕治之勿使傷壞風化遂逮

伯兒杖一百遣戍海南因命禮部定議旌表孝行事例禮部議曰人

子之事其親居則致其敬養則致其樂有疾則託之良醫投以善藥

至於呼天告神情文悵切之至此皆人子所爲也臥冰割股前古所

無至若割肝殘害尤甚且如父母止有一子割肝割股或至喪生臥

冰或至凍死父母無倚宗祀永絕反爲不孝之大者此皆愚昧之徒

務爲詭異驚世駭俗希求旌表規避徭役割股不已至於割肝割肝

不已至於殺子違道傷生莫此爲甚自今人子遇父母有疾醫治弗愈無所控訴不得已而割股臥冰聽其所爲不在旌表之例詔從之

○寰宇通志成東至遼東都司東北至遼東三萬衛西至四川松潘

衛西南至雲南金齒衛南至廣東崖州東南至福建漳州府北至北

平大寧衛西北至陝西甘肅總計天下道里縱一萬九百里橫一萬

一千七百五十四里

冬十二月太子太師賴國公傅友德暴卒○定遠侯王弼卒○殺永

平侯謝成○安南國王陳叔明卒葬於安生山諡曰藝按叔明明王友恭儉博學明敏裕王立拜爲左相裕王天無明衆議立明王已故庶長子恭肅之子忘名爲王叔明爲太師忘名無道將盡誅其宗族太師行遜嗣蠻留之宗族官僚繼至勸太師還國以靖君側太師受賜某得罪於君脫身逃竄待斃山林幸矣豈敢有他象皆謹謹偏請就道遠近歡聲震天將至都老將阮吾郎教忘名出手書罪已辭位已而擁出迎謝忘名伏地請罪太師什地相持慟哭曰主上何至此臣之不幸豈意有今日也右相拔劍厲聲曰天命討罪罪人何得多

言相王豈可以煦煦之仁失於大義乃叱將軍扶去促有司備禮奉
太師卽王位廢忘名爲昏德公王入城謁廟涕泣告曰今日之事非
臣意所及以社稷故不得辭免有乖忠孝慚懼在懷願黜尊榮少酬
素志乃下令勿用王車輦衣服器服惟黑漆無以金寶丹朱于是革
亂政率舊章明賞罰用賢良宗族男女之孤幼者盡收養宮中視同
已出其力不能婚嫁葬送者本支被澤咸里蒙恩國人感化助之俗
習漸厚王以已子不才使弟右相恭宣嗣位同聽政是爲睿王睿王
王出征不復子規嗣無道王涕泣而廢之命睿王小子顯入嗣位
乙亥二十八年春正月鎮守雲南西平侯沐春討越州叛酋阿資斬
之諸蠻震服○二月宋國公馮勝暴卒子孫停襲○三月秦王棧征
吐蕃回以疾薨諡曰愍世子尚炳嗣○秋八月命副將軍韓觀宋晟
兵部尚書唐鐸討廣西龍州土官趙宗壽及奉議南丹向武等州叛
蠻趙宗壽土官趙點空之姪也點堅卒其妻與安置鄭國公常茂結
爲婚姻誘合諸酋作亂朝廷命宗壽捕茂怒其延緩故征之既而
宗壽服罪來朝○信國公湯和卒上嗟悼親爲文遣使祭之追封京甌王諡
襄武配享太廟仍肖像於功臣廟和字鼎臣濠州人初從滁陽王大
祖取和州破陳也先和長太祖三歲執部曲禮甚謹進統軍大元帥
守常州與張士誠接境有酒過嘗請事于太祖不允醉而有怨言曰

我坐常州如據屋脊左顧則左右顧則右誰能難也太祖聞而鎮之
和醒亦大愧悔乃悉力拒土誠其後破川陝定雲貴多立戰功既受
封以年老從容乞骸骨太祖大悅賜第鳳陽歲一召入覲至是卒和
五子鼎立功陞都督僉事征雲南卒輒太原護衛鎮撫龔燮皆蚤卒
少子醴積功至都督同知征五開卒有孫十一
人不得襲封嘉靖間繼絕世封其後爲靈璧侯

閏四月皇明祖訓成上自爲之序

首章云朕自起兵至今四十餘年

不歷涉其中姦頑之徒情犯深重灼然無疑者特令法外加刑意在
使人知所警懼不敢輕易犯法然此特權時處置頓挫姦頑非守成
之君所用常法以後子孫做皇帝時止守律與大誥並不許用黥刺
刑剗鬪劓之刑云何蓋嗣君生長內宮人情善惡未能周知恐一時
所施不當誤傷良善臣下敢有奏用此刑者文武羣臣卽時劾奏將
犯人凌遲全家處死又一章云四方諸彝皆限山隔海僻在一隅得
其地不足以供給得民不足以致令若其不自揣量來擾我邊則
彼爲不祥彼旣不爲中國患而我與兵輕伐亦不祥也吾恐後世子
孫倚中國富彊貪一時戰功無故與兵致傷人命切記不可
但胡戎與西北邊境密邇累世戰攻必選將練兵時謹備之○更定

親王歲祿一萬石郡王歲祿二千石郡王子除嫡長子襲封外餘皆
授鎮國將軍歲祿一千石郡王孫授輔國將軍歲祿八百石郡王曾
孫授奉國將軍歲祿六百石玄孫授鎮國中尉歲祿四百石五世孫

授輔國中尉歲祿三百石六世孫以下世授奉國中尉歲祿二百石
皇女曰公主歲祿一千石親王女曰郡主歲祿八百石郡王女曰縣
主歲祿六百石郡王孫女曰郡君歲祿四百石曾孫女曰縣君歲祿
三百石玄孫女曰鄉君歲祿二百石又有房價及造墳價天順以前皆官為營造成化中始定為則
例給價自行營造房價郡王一千兩鎮國將軍七百兩輔國將軍六百六十兩奉國將軍六百二十兩中尉郡王皆五百兩縣主四百六十兩縣君三百六十兩鄉君三百四十兩其造墳夫價物料則例郡王三百五十兩鎮國將軍二百五十兩輔國將軍二百二十五兩奉國將軍一百四十七兩中尉一百二十三兩郡主二百二十五兩縣主二百一十五兩郡君一百九十六兩縣君一百八十五兩鄉君一百七十二兩此外又有開擴銀器銀齋糧麻布銀各有差弘治間以宗室繁其房價墳價俱對半支給齋糧麻布通革
冬十月冊冊為皇太孫妃光祿寺卿馬泉之女也○初龍州土官趙宗壽服罪來朝上命楊文等移師奉議等處擒叛蠻一萬八千餘人開設奉議南丹潯州慶遠四衛向武河池懷集賀縣四守禦千戶所鎮守其地至是班師○上以子孫衆多命名慮有重複乃於東宮

諸王世系各擬二十字凡一世以擬定一字為命名之首其下一字
臨時定議編入玉牒至二十世後復擬續增如燕王位下二十字曰高瞻祁見佑厚載嗣常
由慈和怡伯仲簡靜迪先猷是也○十一月侍臣進講尚書無逸篇上曰朕嘗令儒

臣書於殿壁朝夕省閱以為鑒戒今日講此深愜朕心愈益警惕○
十二月洪武志書成

丙子二十九年春正月擢韓觀為右軍都督同知賜第京師韓成死于鄱陽
追封高成侯觀其子也○選才閭右以浦江鄭沂為禮部尚書鄭幹積有軍功故擢是職
為監察御史先是上聞浦江鄭氏累世同居家範嚴肅里人王氏效之下詔褒異遣官簡拔二姓子弟年三十以上者赴闕既至今自推

舉於是以鄭濟為左春坊左庶子王勳為右春坊右庶子按鄭氏自子孫勿異爨至濟傳十世食指至千餘人田賦各有所司凡出納雖絲毫必有簿籍可覆無敢私者諸婦惟事女工不使與家政子孫馴厚孝謹執親喪哀毀三年不御酒肉家畜兩馬一馬出則一馬為之不食家僮施慶居喪哀泣不輟亦三年不御酒肉其所感如此家以
明太祖

田多為糧長歲以是人觀上識之後被人妄許其家與權臣通財時
嚴通財黨與之禁犯者不問虛實必死而覆其宗宗長鄭濂與從事
混爭先就吏上曰我知鄭門無是也擢混為福建布政司參議上問
濂治家所以長久之道對曰不聽婦人言而已上深嘉之工部尚書
嚴震直述其家世孝友以聞又洪武朝多選用糧戶人材湖州富民
嚴震直授布政司參議累官至工部尚書蘇州富民沈萬四有孫曰
玠授戶部員外郎玠受官辭祿上器重之○定天下官員朝覲之制以辰戌丑未為期先
一年一朝○朝鮮王李旦即李成桂遣人請印誥不許○夏五月以董仲
舒從祀孔子罷楊雄從行人楊砥之請也○秋八月頒表箋式於天
下先是文武官員所進表箋字犯疑忌至是始命劉三吾王俊華等
撰成式頒行○定六部屬官為清吏司○冬十月晦曾皇孫文燧生
太孫允校長子也上以十月數終又生於晦日命內庭勿賀○十一
月詔翰林院議定官民房屋墳塋等第及食祿之家禁例為書名曰
潛古定制錄頒行天下○命都督顧成克總兵官掛征南將軍印率
貴州都司軍馬征勦水西不納糧差諸蠻○十二月成攻破濶水克

克宗那革賈母龍等關寨斬首三千餘級俘萬餘人成有勇畧鎮貴
州二十年諸蠻懾服顧成揚州江都人永樂初封鎮遠侯開國功
臣至永樂方封侯者惟宋晟顧成二人而已
丁丑三十年春正月初置雲南提刑按察司改太常光祿二司為寺
改儀禮司為鴻臚寺

二月會試以翰林院學士劉三吾安府紀善白信齋克考試官取宋
琛等五十二人中原西北士子無與名者三月殿試賜進士以閩縣
陳郊為第一被黜者咸以不公為言上大怒命儒臣再閱下第卷擇
文理優長者復其科第或傳三吾與信齋至閱卷官所囑以卷之最
陋者進呈上驗之果以不堪文字奏進益怒謂為胡藍二黨命刑部
拷訊劉三吾白信齋贊善司憲三人為藍黨侍讀張信贊善王俊華
司直張諫校書嚴叔載正字董貫長史黃章紀善周衡王楫皆胡黨
惟侍讀戴舜不與焉詔三吾謫戍邊餘皆凌遲於市於是覆閱取六

戴舜不與

十一人皆北人也

璘按覆閣下第卷官張信等以不堪文字進呈殺之可也何必坐以逆黨加以極刑即胡藍二黨所殺數萬人未必人人盡凌遲也劉三吾既至閩卷官所屬以故陋卷上呈則三吾為首犯何以僅戍邊且三吾藍黨戴發無黨何以三吾蒙宥而彝概從凌遲三吾既蒙宥即以暴卒聞不顯誅之又陰殺之國法不應如是總之楚之下何求不得豈閱卷諸臣真逆黨乎馬皇后有言不可縱怒殺人致殺死者冤枉誠哉是言也

六月賜禮部覆試韓克忠等進士出身有差○劉三吾暴卒三吾字如孫湖

廣茶陵人以薦召入翰林每與密議懿文太子薨太祖意在燕王嘗同三吾對曰皇孫年富上承嫡統禮也即立燕王置秦晉二王於何地太祖從之○駙馬都尉歐陽倫奉命西使以私茶出境貿易令陝

西布政司移文各屬起車載茶倫家人周保索車至五十輛蘭縣河

橋巡檢史某以其事聞上怒布政司不言并倫賜死洪武時立茶馬司於陝西四川

等處令西番以馬易茶以私茶出境者斬立法甚嚴倫尚太一祖女安應公主馬皇后所生也

秋八月定諸王見東宮禮○冬十月命天下人民每鄉里各置水

一選年老者每月六次持鐸徇於道路曰孝順父母尊敬長上和睦

鄉里教訓子孫各安生理毋作非為又令每村置一鼓遇農種時月

清晨聞鼓聲皆會田所及時力田其怠惰者里老人督責里老不勸

督者罰○停遼東海運先是上諭廷臣曰遼東早寒土曠人稀朕不

欲置行省勞百姓設衛戍之歲餉海上非得已也每聞一夫當有航

海之行家人號泣齋送乃有溺死者朕通夕不寐其議屯田法時洪武十

五至是海運始停○詔天下郡縣夏稅秋糧自洪武二十八年以前

拖欠未納者許折輕資隨地方出產聽從民便以免轉運之勞每金

一兩折米二十石銀一兩折米四石鈔三貫五百文折米一石絹每

匹折米一石一斗棉布每匹折米一石夏布每匹折米七斗淨棉花

每斤折米二斗○十二月上不豫

戊寅三十一年春三月晉主薨諡曰恭子濟熺嗣○以齊泰為兵部

尚書

泰嘗被召問邊將姓名歷數無遺上欲考諸國籍泰出袖中手冊進簡要周密遂承眷注以左侍郎授尚書

夏五月上不豫尋小間輦出御右順門召諸醫盡付獄建文即位○

閏五月乙酉上崩年七十一歲遺詔曰朕受皇天之命膺大任於世

三十有一年憂危積心日勤不怠今年七十有一筋力衰微萬物自

然之理其奚哀念之有皇太孫允炆仁明孝友天下歸心宜登大位

中外文武臣僚同心輔佐諸王臨國中無得至京王國所在文武吏

士聽朝廷節制惟護衛官軍聽王諸不在令中者推此令從事

湯誠曰唐虞禪受尚矣湯武皆由諸侯而王漢高起徒步尚藉亭長唐宋之興皆因勢乘便太祖出自側微不階尺土一民而削平僭亂定有中原海外君長奉正朔受冠帶功烈之盛方冊所載未嘗有也承元之後制作禮樂修明舊章崇儒術重祀典求賢賜租之詔無歲不下禮高年褒孝弟勵農桑廉能重節義黜貪墨蓋功德兼隆焉至其家法謹嚴后妃不得預政外戚無請謁之私任五府六部而朝無專政之臣置衛屯田而國無養兵之費尤其立法之善者獨是懲元政廢弛治尚剛嚴所謂治亂國用重典與然時時越法有縱舍大抵疎於微賤而計於貴近故功臣保全亦非於唐宋矣至朝鮮安南內亂則惟以璽書告誡不事征討又非

大喜功者所可及也
祚幾三百不亦宜乎

是月十六日辛卯皇太孫即皇帝位以明年為建文元年大赦天下

○是日葬孝陵時太祖以初十日崩越六日即葬諸王尚未聞喪遂

接遺詔止諸王會葬燕王入臨將至淮安齊泰言於上令人齎勅勒

使還國

按從信錄云時諸王自秦晉外皆尊屬地嫌勢偏恐其窺伺乃草遺詔諸王哭臨惟在本國毋得奔喪又令王國所在吏

民軍士悉聽朝廷節制詔下諸王皆怒

朱鷺曰止詔王臨葬計無失於此者當是時海宇未波堂構方宴諸三分雖尊勢雖重必不因父喪以為利起于戈於苦塊之間何冀之謹也齊黃智謀已見崖畧後又加以方正學之迂日求更化盡趨亡之器至保定之才特其烈烈以死無罪不曠耳以太祖顧命之臣猶然有此信乎得人難也

六月上皇祖考大行皇帝諡曰欽明啟運峻德成功統天大孝高皇

帝廟號太祖皇祖妣孝慈昭憲至仁大德承天順聖高皇后尊母呂

氏為皇太后

皇太后太常寺卿呂本之女也文皇至今川門迎太后至告以不得已起兵之故太后未及還宮宮中火起依

徐王允熲居焉後遷居太子陵竟不知所終

朱鷺曰撫世馭民代有機局紹洪武後而不知安靜是失局也建文志切養民而所為多疑四年之間今日省州明日省縣今日併衛明日併所今日吏官制明日更動階官門殿門名題日新雖干戈控忽而曾不少休一何擾也琴瑟不調甚者乃解而更張之當時甚乎不甚乎而樂此紛紛乎是方正學之過也

以中書舍人蹇義為吏部右侍郎戶部主事夏原吉為本部右侍郎

命兵部尚書齊泰太常寺卿黃子澄與參國事蹇義巴人洪武十八年進士初名溶太祖

書義字易其名夏原吉相陰人以鄉薦游太學選入禁廡書誥勅齊泰深水人受顧命輔皇太宜人洪武十七年貢入太學明年舉進士

第一授修撰秋七月以方孝孺為翰林院侍講直文淵閣以董倫為禮部侍郎兼翰林院學士王仲為國子監博士○廢周王橚為庶人橚孫貴妃生

馬皇后鞠養之太祖第五子也時有奸人造言告王與燕湘代岷四

府通謀不軌上召黃子澄齊泰謀之泰欲先燕曰燕握重兵素有大

志當先削之子澄曰不然燕預備已久卒難圖也宜先取周剪燕之

手足而燕因可圖矣乃命曹國公李景隆即訊景隆大索金寶王不能應遂坐謀反執王及其世子闔宮眷屬送至京師削爵為庶人遷之雲南

先坐不原

朱鷺曰人臣無將將則誅然以手足骨肉之間有異初無叛微處之要自有道跡周王已事燕不能獲統祇憤耳叛謀未布聞也重以貪夫恣索強坐不原偏一王而諸王心戰卒成大故伊誰咎也大抵齊黃計謀于削國而慮不及遠正學志迂于法言而日不見近人事實錯誤豈可謂盡天意耶

亦明矣

以張鳳李衡趙福張弼汪賓孫端王斌楊忠林良李成張敏劉政等為錦衣衛世襲千百戶有差

朝天女戶

張鳳等皆西宮殉葬宮人之父所謂朝天女戶是也

明太祖

舜按殉葬非禮也建文君有志復古而卒從亂命其有愧于魏顆也多矣

八月加魏國公徐輝祖太子太傅與曹國公李景隆協力圖燕○召

王景彰為禮部右侍郎茹瑄免以張統為吏部尚書王景彰名景以字行松陽人官

參政謫雲南至是召入張統富平人官雲南左布政使凡土地貢賦法令條格祠祀公解上下典禮經費程度皆所裁定洪武二十六年

入觀治行為天下第一賜璽書曰曩者討平西南命官撫守爾統實先往任迄今五年言出則諸聽服令布則四野惟忻皆由誠信相

孚克供乃職今年來朝不待考而朕知其功出乎天下十○徵江西二牧之首故嘉汝績復治黔南至是召入滇人如失父母○鄭沂

處士楊士奇授齊府審理副留克翰林院編纂官士奇江西泰和人○鄭沂

免以雲南右布政使陳廸為禮部尚書○命何福克總兵官徐凱為

副征百彝○九月鎮守雲南平西侯沐春卒弟晟嗣○長星西隕有

聲如雷○冬十月熒惑守心四川岳池教諭程濟上書言北方兵起

期在明年朝議以濟妄言召入將殺之濟曰陛下第囚臣至期無兵

殺臣未晚也乃下濟獄○十一可以工部右侍郎張昂為北平左布

政使都督謝貴為都指揮使時燕齊皆有告變者上問黃子澄曰孰

當先討對曰燕王久稱病而日操軍馬且招異人術士使在左右討

之不可不亟召齊泰問曰燕王素善用兵討之計將安出對曰但以

防邊為名發軍戍開平其燕府護衛精銳悉調出塞去其羽翼無能

為矣上然之○以王鈇為戶部尚書召鄭賜為工部尚書黃福為右

侍郎

十二月召韓宜可為副都御史宜可初為山西布政使謫雲南至是

召入即言上待諸藩當從寬大密加防範勿遽誅討不聽○前軍都

督府斷事高巍上書曰高皇帝封建諸王凡以護中國屏四裔為聖

子神孫計至遠也夫何地大兵疆易以生亂不削則廢法削之則傷

恩臣愚謂勿施晁錯削奪之策當效主父偃推恩之議小其地大其

城以分其力如此則藩王之權不削而自弱矣臣又願陛下益隆親

幸丁世已頁編卷四十一

言言廿身卷系卷四十一
親之禮義時伏臘使問不絕賢如河間東平者下詔褒賞不法如淮南濟北者始犯則容再犯則赦三犯而不改則告廟削地而廢處之寧有不服順者哉不聽

